

# Universitäts- und Landesbibliothek Münster

**"Wu't mankst gaiht!"**

**Knyphausen, H. zu**

**Münster i. W., 1899**

---

## **Digitale Sammlungen der Universitäts- und Landesbibliothek Münster**

In den Digitalen Sammlungen bieten wir Ihnen Zugang zu digitalisierten Büchern und Zeitschriften aus dem historischen Bestand der Universitäts- und Landesbibliothek Münster sowie zu älterer Literatur und Sammlungen aus der Region Westfalen. Das Angebot an Einzelwerken und Sammlungen wird laufend erweitert.

<http://sammlungen.ulb.uni-muenster.de>

---

## **Nutzungsbedingungen**

Dieses PDF-Dokument steht für nicht-kommerzielle Zwecke in Forschung und Lehre sowie für die private Nutzung frei zur Verfügung. Es kann als Datei oder Ausdruck zusammen mit diesen Nutzungsbedingungen und den korrekten Herkunftsbezeichnungen weitergegeben werden.

**urn:nbn:de:hbz:6:1-109683**

Karl Wagenfeld  
Münster i. W.

H. zu Knyphausen

# „Du't mankest gahst!“

Kleine Vertellsel.



Münster i. W.

Verlag von H. Mitsdörffer's Buchhandlung  
Hans Ertl.

AC

45851

K

33

AL 45851

K  
„Wu't mankst gahht!“

Kleine Vertellsel

von

H. zu Knyphausen.



Münster i. W.

Verlag von H. Mitsdörffer's Buchhandlung

Hans Ertl.





1974. 156

Ich keet düör't Fenster äs bi Nacht,  
Doa quamm ne Uhl anfluorgen,  
De raip: „Wat häste nu noa dacht,  
Büßt krank du of häst Suorgen?  
Kumm, luster äs, so wu't mankst gaiht,  
Dat fallst van mi du hören!“  
Un M's nu in düt Böcksken staiht,  
Van Mensken wies un hören.  
Un wenn't geföllt nu, Gärser, di,  
Doh ick di seggen: Wachte,  
Vertell di naigstens mähr, wat mi  
Vertellst de Uhl bi Nachte!

---

Ed  
doa ge  
maefen  
fit en  
denklick

„W  
Guede  
ut uffe  
find gr  
hiär ne  
Infall,  
jall de  
Jfenbal

„D  
foats a  
„höert  
„Bliedt  
wilt ji  
riärden

De  
Dochtied  
hier un  
vollen  
acht W  
e noa

Naß u  
Batter

Et

äftigen



## De Hochtiedsrais achterhiär.

Schümmels iähre Schrappmeßkes wassen alle flee un doa gaf sik Batter dran, je up en Hof wier terechte te maeken. „Meinee,“ jegg Sibeth, sine Frau to em, äs je sik en Meßken haelen woll, „Batter, wat kiefst du noadenklick ut?“

„Wat id mi utdacht häv, Sibeth,“ jegg Batter, „alle Güede maekt ne Hochtiedsrais, un wi sin doch noa gar nich ut usse Kierspel west, un't gaiht us nu guerd, de Kinner sind graut, nu häv'k mi utdacht, wi wollen nu noa achterhiär ne Hochtiedsrais maeken.“ „Junge, Junge, wat en Infall,“ jegg Sibeth, „män id sin der met bi, män wohen jall de Rais goahn?“ — „Jek denke, wi will't äs met de Fienbahn noa Revelaar föhren!“

„Dat staiht mi an,“ raip Sibeth, „dat mott id over foats an de Kinner vertellen; Job un Thresken,“ raip je, „höert doch äs, wat Pappa füörn Infall hat hät!“ „Blied doch män laimer in Hueje;“ jegg Thresken, „wat willst ji ju doa giernten in de Welt up de Höhneraugen riärden loaten?“

De Ollen hadden over nu wahn viel Järs an iähre Hochtiedsrais achterhiär. Et gaf en üöverleggen hen un hier un Soaterdag föllt losgoahn. Moandag Davend vollen je dann wier fuermen. Soaterdag Muornen üm acht Uhr gaiht de Sug af un üm fierwen Uhr föll Job e noa de Bahn föhren. Muornens üm halw fiev hadden Naz un Sibeth all iähren ganzen Raifestoat proat. „Batter, t'is anspannt!“ raip Job, äs't fierwen Uhr was.

Et was en warmen Suermerdag, män Naz hadde en äftigen Winterrock antrocken; dat Paraplue hadde he up



en Rüggen binnen, en Stock in de eene Hand un in de annere hadde he son kleinen, raut un witt farreerden Küffentog. Doa hadde he 'n Stuten in, un en halwen Schinken, un fүүr sit un sine Libeth Strümpe, wenn se äs natte Föete kreegen, un fүүr jedden en Paar Holsten met Strauh, wenn se dat Laupen in de Schoh nich mähr uthollen können. Libeth hadde sit auf guerd warm an-trocken; bi sit hadde se 'n Parapluie un en Kuorj met Buttrams fүүr den eersten Dag, un ne Pull met Kasse, un kuorfe Eier un Buorter. Se hadden beide guerd wate fierpen, män se wullen de Rais nich so schmächtrig maeken. Schnellken was all ungedüllig vүүr de Stүүrtkooar un se mossen upklaien. Batter un Job fatten vүүr up un Mutter up en Stoehl ächter de Beiden.

„Abjüs Thresken, loat di't guerd goahn,“ raip Libeth, „vergett nich de Diers all, melk de Koh guerd ut,“ „un Thresken,“ raip Batter, „wenn wat Besonnens vүүrföllt, loat Job doch foats noa Här Pastor laupen.“

Thresken nickoppede män blos, se konn nix seggen, et was iähr, äs gongen de Dellern noa Ammerika.

Äs se nu up en Bahnhof wassen, woll Job wachden, bis de Sug weg wүүr. „Nee,“ segg Batter, „föehr gau noa Hues, dat Thresken nich so lang alleen is met dat ganze Wiärks.“ Job un Schnellken gongen wier noa Hues un Batter namm de Billets un dann wachdeden se up en Sug. „Batter, 't is mi so eegen üm't Hiärt,“ segg Libeth. „Mi auf,“ segg Batter, „un wu fällt nu wull in Huese utfaihn,“ font se wier an, „wat de Kinner wull doeht, wenn de Koh män nich ut en Stall bieftert un de olle Suerge de kleinen Köddkes män nich upfrett.“

Doa laip de Sug in. „Einsteigen, einsteigen,“ raip de Schaffner, „hier ist die vierte Klasse!“ „Ich häv Billets dierder Klasse,“ segg Batter, „wi maekt noadräglich usse Hochtiedsrais!“ „Geschwind hier!“ raip de Schaffner wier un woll Libeth in en Wagen trecken. Män de johlde los: „Nee, ich goah der nich in, kiek äs, Batter, wenn son

Wagen ümslött, nee ick doht nich! O, usse armen Kin-  
ner, wenn wi daud göngen, un de Koh un de Swien  
un de Hohners.“ „Un Schnellken, un Alli“, jegg Naz;  
un Naz un sine Frau songen ant grienen un de Sug  
gonk af.

„Gott Dank, dat et Dier weg is,“ jegg Vibeth, „nu  
bruekt wi der doch nich in, kumm, wi willt us up en  
Patt noa Hues maeken!“

„Wat sin ji doch fiiör Mensken,“ jegg een van de  
Lüede, wel de Beiden utlachden, „nu hävt ji ja jue  
Billetz ümsjüs nuermen!“

„Döht em nix,“ jegg Batter, „de verwahrt wi us  
to't Andenken an de Hochtiedsrais.“ Un nu gongen Naz  
un Vibeth met iähre ganze Päckerie to Foot noa Hues;  
van Job un de Stüörtkoar was nix mähr te saihn. Se  
mossen nu wier alles noa Huese schlierpen, gans vull  
Sweet un Stoff quammen je Middags wier an. Alli  
laip iähr up en Hof entiergen un was vüör Plasser  
ant bliärken, un wat fiiör Wierjaihnsfraide gaft eerst noa  
bi Job un Thresken! „Kinners, wat sin wi fiiörn Mal-  
löhr entgoahn,“ jegg Vibeth, „wenn de Sug entgleist  
wüör, fätten wi nu nich hier.“

„Job, hal äs Holt van en Hof,“ raip Batter, „dann  
bakt us Thresken en Pannkoeken un wi amüseert us  
hier; ne Hochtiedsrais maek ick nich wier!“ „Un ick auk  
nich,“ jegg Vibeth, „in Hues is't doch alltied am besten.“

### Grante Koevemann in Münster.

„Still Alli!“ jegg Meerske Grante Koevemann, „du  
bruekst doch nich jedde Katt' antebliärken!“

„Ne Katt' sin't appatt nich,“ jegg de Pottske, un doa  
jett'de je sit up de Bank, un den Kuorf bi sit dahl!“

„Kief, Pottske,“ jegg de Meerske, „ick häv iähr ja  
garnich kuermen saihn, Settken, kumm, hal de Pottske äs  
en Söeten un en Buttram, dat je sit en lück verquickt.“



„So, Pottske, hier sind de Eier, gra füörn Dahler un fiev Grosken, mähr häv't van Dage nich üörver, Batter häd mi vettig Stück met noa Mönster nuermen.“

„Meinee, dat gief mi Wunner,“ jegg de Pottske, „is he wüerlick noa Mönster, wu gaiht dat to?“

„Dat is so,“ jagg de Meerske, un gaf sik ant Bauhnen snippeln, „alle Joahr in de Vakans künnt Roath Stiärtken ut Mönster met Frau un Kinner noa us, so acht bis vettaihn Dage. Et geföllt iähr guerd hier un't smeckt iähr auk alles guerd, wenn se fuermt, saiht se ut äs de Windrüens un wenn se astreckt, äs de ollen Zuffern iähr Moppi. Se niärmt sik auk düstig wat met noa Hues, Stuten, Appeln, Eier, Siepeln un wat se män packen künnt. Se inviteerd us auk ümmers, wi söllen iähr äs besöken, män ick häv son Schreck vüör de Izenbahn; ick main alltied, dat Ding kümmt van den Damm herunner biärsten, män Batter wull doch äs hen, se niärmt et en füs üörvel.“

„D,“ jegg de Pottske, „glaiwt män, de Stadtlüede hävt en dick Fell. Wanneer is he denn afraiht?“

„Gistern,“ jegg de Meerske, un daih sik wier de Slippe vull Bauhnen, un de Pottske packde de Eier in, se quam alltied up en Eierhandel hierhen. „Gistern is he afraiht un so drei bis veer Dage sall he wull utblieven, he will sik Mönster äs bekiefen. „Still, Alli, wat häste wier te bliärken, o marjo, doa is Batter jä all wier; meinee Jans, du häft doch kien Mallöhr met de Izenbahn had?“

„Nee,“ jegg Batter un honk sinen Rock an en Nagel, „gief mi men gau düstig wat te iärten, ick sin boll ganz beswaige!“

De Meerske un Settken packden den gansen Dist vull Järten un Drinken, un Graute Rödevemann gaf sik foats ant Wiärts. He was nich mähr jung, män en grauten, strammen Käerl, un sin Gesicht löchde äs en Bullmoand in raude Klöer.

„So!“ segg he, äs he feddig was, un wiskede met de Hand den Mund af, „nu willt ju vertellen van Mönster. Äs ick bi Stiärtkens anquamm, möken se all en lang Gesicht, bis dat ick de Eier up en Disk leggde. „Das ist ja schön“, segg de Koäthin. Nu gonk't ant Järten; wat et was, weet ick nich, et gaf män van alles blos so kleine Klättkes, over de Broaden was van en graut Kalm, dat söeg ick an de Butten, dat Fleest scheenen se nich kofft te hävven. Äs wi afgjärten hadden, ick was noch wahn smächtrig, gonk de Koath noa't Baro, wu he segg, un de Frau moff sik en lüch terügtrecken, se segg, se wüör so nerviös. De Döchter spierlden mi wat vüör up't Klavijer un se söngen van en Postiljöner, wel drai Biärde häer, un de Jungens wollen mi faksereen, se saggen, man könn de Vüede nu pottographereen, dat man iähr in't Hiärt kieken könn.

So, segg ick, kann man auf saihen, of de Magen noa lierig is, dann haelt doch äs gau den Apperoat. Doa seggen de Jungens nix mähr! Ick frog nu, wel met mi utgoahn wull, doa seggen se all, se häern de Infulenzia. An'n Dabend gonk de Koath met mi; ick woll äs in den Sentralhof. He bestellde us Beer bi'n Maköer, un ick segg, ick woll äs gäern wat Fienes te iärten hävven. De Maköer plapperde so vierl, ick konn't nich alle verstoahn; „Häringsfiloat, Musternrattsteertkes“, wierhaelde ick. Musternpattetchen, segg de Maköer. Hier giebt's feine Krebse, segg en Häer an en annern Disk. Is guerd, segg ick, breng mi äs en düstigen Krebs. De Koath küerde met de annern Härns un ick namm min Mess und gaf mi an't sabeln, män ick konn dat Dier nich kaputt kriegen, up eenmoal foll't mi van en Teller, ick segg, ick mag em doch nich un gaf em met en Foet en Schupp. De Koath spront in de Höchde, he moff auf wull nerviös sin un de Härns gassen sik ant lachen. Ick segg, hier is't schön, naiste Moal breng appatt mine Olle met, un doa woll ick mi äs de Schilderien an de Wand bekieken. Hierher,



raip de Roath, un trock mi an'n Rockslips un doa stönnen wi all up Ludgeristroat, ick häv van dat Schöne niz mähr jaihn.

Ich segg, nu will wi appatt int Vorzing=Thiater goahn. Das ist nur für die Damens, segg de Roath un gont met mi noa de Festhalle. Ich hadde män boll genog dervan, de Fraulied quietden ne Opera, jüst äs wenn se so wahn smächtrig wüdrn äs ick sölwst. Ich segg, wi willt laiwer vüör in de Waerdschaft goahn. Doa satten wier Härens, de lachden gans fründlick, äs ick mi jetten daih, ick moss wahn pusten, et was mi so heet woarn. De Härens froggen den Roath, of ick sin Broer wüör. Nein, segg he; ick dachde, of he wull Lannpiene hät, he trock son niepen Gesicht; de Härens saggen, wi müssen muornen äs noa'n sologschen Goarn goahn, dat söll mi wull mähr anstoahn. De Roath stüernde, he segg, he häer auk de Infulezia in de Butten, wi wollen män noa Hues goahn. Ich was der met bi, wi müssen doch auk endlicks to Davend iärten.

Ja, Appeltaten, äs wi in Stiärtkens Hues quammen, was der niz mähr to jaihn; he wees mi son klein Stüörcken an, un segg, ick söll män schön draimen. Draimt häv't nich, män min Magen häd wull drai Operas sungen. Dat Bedde was auk so eegen, wassen gar kiene Fiärbern drin, to't Todecken was der son klein Waigentküssen un ne Piärbediärf. Ich dachd', wat is't in Hues guerd, doa häerste nu en guerden Panntoeken had un dann son nett Bedde; Düwel, wat is't Stadtvolf lumpig.

Ich stonn van Mournen gans fröh up, kloppde de Magd ut iähr Stüörcken un segg, se soll de Herrschaft män en Kumpelment van mi seggen, ick häer nu auk de Infulezia, ick gönt noa Hues. Dat dumme Wicht fönt an't lachen un holl de Hand up, ick soll iähr noa füürt Schmachten en Drinkgeld gierven, ick denf, doa kennste Graute Röevemann nich. Ich kneep iähr in de Hand un

gaf mi up en Patt un sin nu foats met en eersten Sug wier affdert. Doa goah ick auf nich wier hen, män wenn Stiärtkes to jess Mann hoch wier fuermt, dann jegg ick iähr, wi hävt nu all de Infulenzia, un usse Stuten, un Schinken, un Appeln un alles hät nu de Infulenzia, loat se nu äs annere Lüde befriärten. Jek häer mi so sien maekt, met mi bruefde sik nüms nich to schaneeren."

"Pottske is en oll Lachebiärken," jegg de Meerske, "ick glaim, se lacht us ut, män ick hävt foats jegg, vüör us is't in Mönster sien Dag. De Stadtklied sind mankst de reinen Apfen, de Damen doht boll nix mähr äs Kartenspieler un met en Rad de Lüde boll ümbiärsten; wenn fröher en Wicht hieroaden daih, dann hadde se 'n Schierpel witte Strümpe sölwst strickt, nu könnt se nich äs mähr stricken, de Strümpe kaupt se jeddig, un künt en Lock drin, dann saht se 't nich äs."

"Hier, Meerske, is't Geld," jegg de Pottske, "ick mott goahn, ick sin bang, de Eier kriegt mi hier süs auf noa de Infulenzia, adjüs bis naiste Wiärk." "Adjüs, Pottske", jegg de Rödevemannske, "guttgoahn." "Adjüs," jegg Graute Rödevemann, un he gaf sik up't niee ant Järten.

### De Klag'.

"Min Rächt will'k hävven un dorüm goah't nu auf noa'n Affekoaten," jegg Hermanns Hammel, äs he sik sölwst en Sermon hölt up en Weg noa Mönster.

"Herein!" raip de Affekoat, äs Hermanns an't Baro floppede.

"Dag Här," jegg he. "Dag Hammel," jegg de Affekoat, jä, Hammel, wat schiärkt Jähr denn?"

"Här, Se mott äs füör mi an't Gericht goahn, min Rächt will'k hävven," jegg Hermanns un doabi setted he sik up en Stoehl, spigg sin Brüemken in de Hand un



stoppd et bis hernocher in de Bugentass. „Wat is der denn nu los?“ frogg de Affekoat wier.

„Dat will't Jähr seggen, Här, min Noaber, de stellt mi de Hohner weg, jedde Wiärk faihlt mi een; wenn ick em äs segge, mi faihlt appatt all wier en Hohn, dann segg he, em dücht, ick häer en Höhnken in en Kopp sitten. Dat loat ick mi nich gefallen! Jedde Wiärk faihlt en Hohn, un wenn ick mi bi Fränsten, wat miene Frau is, beklag, dann segg de: „Voat di män nich belachen.“ Ick sin män nich so dumm äs jon Fraumensk un nu will't min Rächt hävven; maett Se de Klag män terechte, denn jedde Wiärk faihlt“ —

„Jau, ick verstoacht all“, segg de Affekoat, „män hävt ji sölwst all saihn, dat de Noaber ju't Hohn weghält of döht he dat nachts?“

„Saihn häv ick nix, män mi faihlt jedde Wiärk en Hohn un nüms anners äs de Noaber kann't dohn hävven, denn en Ullt kann nich in en Stall kuermen!“

„Un verkofft of slacht hövt ji kien Hohn?“ frogg de Affekoat un spielde met sine Papieren.

„Verkofft, nee“, segg Hermanns, „män slacht wull, alle Sunndag doht wi us en Hohn in en Pott; Sunndags mott em doch en lüek Fleesk hävven un alles kaupen, is te düer.“

„So, dann faihlt iähr alle Wiärke twee Hohner!“ segg de Affekoat.

„Nee,“ segg Hermanns, „een Hohn faihlt mi jedde Wiärk!“

„Hävt ji denn auk dat Hohn mettelst, wat ji sölwst slacht hävt?“ lacht de Affekoat.

„Meineeken, nee,“ röep Hermanns, „an dat Hohn häv't nich dachd, Junge, Junge, dann häv't ussen Noaber doch Urrächt dohn. Ja, Här, dann schrievt män in de Klag, je söll nich gelten, män dat usse Noaber der nix van hörerd!“

„D,“ segg de Affekoat, „dat is nich naidig, de Klag ligg jä nu noa nich ant Gericht!“

Dann kann ick jä nu män wier goahn,“ segg Hermanns, „ick kann jä wull met Dank loskuermen?“

„Nee, dat nich,“ segg de Affekoat un stönn up, ick krieg noa mine Gebühren.“

„Lött he sik ackedeeren?“ frög Hermanns.

„Nee, auf nich, hier sind faste Preise.“

„Jä, dann män to“, un Hermanns mäť en Bühl los un legg dat Geld, wat he gierven moß, up en Disk.

„Adjüs auf, Här!“

„Adjüs Hammel, bis naiste Moal!“ röep de Affekoat.

Hermanns treckt sin Prüemken wier ut de Burentast, döht et wier in den Mund un gaiht af.

„Min Rächt häv't nu kriergen“, segg he to sik jölwst, „män ick goah nu doch nich wier so gau ant Gericht!“

## De Wett'.

Buer Rüntemann stonn vüör sinen Kohstall un woll de Piep stoppen, doa soll em de Kopp un dat Büllend an en Grund un gonť kaputt.

Sine Frau quamm ut en Kohstall laupen un raip: „Hu, wat was dat? meinee, ick glaiw, ick krieg noa Nervens, äs en Stadtwicht.“

„Bierl Geschrai un wennig Wulle, segg de Düwel un schrappede 'n Swien,“ segg de Buer un stott met en Foet de kaputte Piep up Siet.

„Dat du doch alltied van en Düwel küerst, Batter,“ segg de Rüntemannske, „dat geföllt mi doch gar nich, en üörnlick Christenmensť mott doch nich ümmers den Düwel in en Mund hävven!“

„Du büst wüerlick nervids, Frau“, segg he, „män wat gisse mi, wenn ick äs veer Wiärf garnich von en Düwel küere?“



„Dann kriegste ne fiene Märjschaumpiepe, män du kannst et jä doch nich loaten!“

„Doch de Bett gelt,“ segg de Buer, „van Dage is de eerste Mai un viör 'n eersten Juni will'k nich eenmaal wat von en Düwel seggen, süs gierj ick di taihn Mark, hier mine Hand!“

De Frau sloeg in. He hadde sik't so anwüehrend immer van en Düwel te küeren, män nu, wo he an de Märjschaumpiepe dachte, namm he sik in Acht.

Davends van en lesten Mai was de Rüntemannske in de Küerke, doa quamm he auk drin. „Du,“ segg se to em, „ick glaiw wüerkliek, du gewinnst de Bett.“

„Ja,“ segg he, „wat ick mi viörniern, sett ick düör.“

„Jät saiht wull in“, segg se wier, „ick mott di wüerkliek de poglainene Piep gierven.“ „Poglainene Piep,“ raip he, „nee, du heft mi ne Märjschaumpiepe luorwt, män fiene poglainene.“

„O,“ lacht se, „dat is doch eendohn, ick häv jä up Fastenjiern in Mönster ne poglainene Piep wunnen un de woll'k di gierven.“

„Nee,“ raip de Buer, „nu höerd äs an, jon verdüwelt Fraumenst; ick will de Märjschaumpiep, de du mi luorwt häst, män nich de poglainene, de loat sik de Düwel haelen!“

„Batter, ick häv de Bett wunnen,“ raip de Frau, „wi find noa in Mai un du häst nu noa tweemaal van en Düwel küerd.“

„Düwel auk,“ raip de Buer, „doa häste mi dran had, män nu kannste mi doch wull de poglainene Piep gierven.“

Doa lacht se wier un segg: „Ne poglainene Piep häv't auk nich, ick häv't män so seggt, ick wußde wull, dat ick de Bett doch gewinnen daih.“

Doa draihde he sik ganz schallu üm un knurrde: „Na, 't is mi Wuorst, segg de Düwel un doa beet he sik in en Stiärt“ — un domet gonk de Buer ut de Küerke un sine Frau lachte achter em hiär und dachte an den Hoed, wel se sik füör de taihn Mark kaupen woll.

## De Noasier.

Dingsdag was Hochtied west up Schulte Bummelbiärgs Hof. He is all en lück bi Joahren un Siska, Schulte Flastamp, wat nu sine Frau is, is en guerd Deel jünger, män je wuffde wull, je jett'de sit bi em guerd drin. Se hät over auk guerd wat metbracht.

Bi de Hochtied gonk't wahn graut hiär, de Prumentaten waffen wull en Meter lang. Middewiärken hävt je nu Noasier hollen, de Reste müssen doch auk vertiärt wäern, un doa hadden je sit Bekannte ut de Stadt inladen, auk de Trampelske, de an Siska noa Famillje is, was met twee kleine Wichter fuermen, je hadden sit kistenfien maekt.

Vüör up en Hof hadde Siska en langen Disk deekt met en sien linnen Laken, un sien Boklain stönn der up un vierl Koeken un allerhand Leckertenten. As de Gäste nu all düstig ant iärten waffen, hadden sit de beiden Trampels Wichter, rächte Undöchte, sacht wegmakt, un quammen der up eenmoal wier an, Ella hadd' den Schulden sinen Hochtiedsrock un Hod un Billi Siska ähren ganzen Brutstaat an, halw flüörde dat fiene Tüg düör'n Hof.

„Nee, Kinner, dat gahnt nich!“ raip de Schulte, un Siska laip gau hen un namm de Blagen dat Tüg weg.

„Ach, die lieben Kinder, wie süß sie aussahen!“ lacht iähre Mamma.

De Wichter lachden auk, jett'den sit wier an den Disk un daihn sit de Tellers vull Koeken. Noa ne Lied waffen de beiden Blagen wier weg. De Schulte was rächt in Raud, wat je nu wier vüör Schaden daihn, doa süht he je ächter up en Hof, je waffen dran, met ne Schute en Lock te klaien, un je puortden auk wat in't Lock. He gaf sit ant laupen un wat was te doahn? De Blagen waffen Melchert, wat de eene Knecht



is, noa'n Haverbalken noalaupen, hadden de Kleeder up-  
büört un se sit vull Haver doahn. Se wollen äs  
„pflanzen spielen!“ — Se meinden, wenn se den Haver  
in dat Loch stoppden, können se naiste Wiärt fuermen un  
sit Ahren un Kornblomen plücken.

„Si Blagen mött't wat an'n Rüggestrank dahl  
hävven!“ raip de Schulte, äs he den schönen Haver  
vüör sit liggen söeg. Ella un Billi daihn, äs wüör nix  
passeert, män se goacht ganz sliepstärten wier noa'n Disk.

Nu gast noa düftig Buttrams met Fleesk, un Wien  
un Beer. De Blagen stotten alle met an met iähre  
Gliärfer, män Trampels Kinner schuest boll wier af. Se  
wassen nüerns nich mähr to saihn.

„Ach, wo mögen meine Lieblinge nur sein?“ klagd  
iähre Mamma; se hadde all en düftig rauden Kopp von'n  
Wien.

„Wenn se män nich in'n Ahlkump fallen find!“ jagg  
Sista un keek iähren Mann an; män de knuort all vüör  
sit hen: „de västigen Blagen, doa loat se män äs in-  
fallen!“

„Wat seggst du, lauwe Mann?“ frogg de Frau. „O,  
ick main, dat wüör nich geföhrlich, he is noa kuors liärt!“

„Meine Kinder, meine Kinder!“ jammerde de Tramp-  
pelste. Un wat hadden de Blagen nu anstell'd? Se  
wassen äs noa'n Rohkamp goahn, de Diers laggen meerst  
int Gräs, äs wenn se ant Noadenken wüörn.

„Nun wollen wir reiten, die Kühe sind so zahm!“  
jaggen de Blagen, män so Stadtkinner kömmt jä nich äs  
ne Roh van en Offen unnerschaiden.

Ella un Billi settden sit jedde up en jungen Offen.  
„Hü! Gott!“ raipen se un kloppden de Offen up en Kopp.  
De jungen Offen spröngen up, nammen den Stiärt in  
de Höchde un dat Biestern düörn Kamp gonk los. De  
Wichter packden üm den Offenhals, wassen vüör Schreck  
int Gesicht witt äs Kalk un schraiden hatt up. Se hadden  
sit dat anners dacht. Se hadden over auk dat Heck van

en Kamp los loaten un dat ganze Beeh quamm herunner  
hiersten, telest de Ossen met de Wichter. De Gäste ut  
de Stadt freegen grauten Schreck, je schraiden un laipen  
all dürneen, un dat Disklaken met alles, wat der up  
was, quamm unner Disk, un ganz vierl van't schöne  
Pözlain was in Brocken. „Dat schöne Pözlain,“ raip  
Siska. „Ich fall in Ohnmacht,“ quiekde de Trampelske.  
De Knechte wassen foats bi de Hand, dat Beeh wier  
noa'n Kamp te driewen, de Wichter hadden je all van  
de Ossen nuermen un de Schulte gaff Ella un Lilli eenen  
an'n Kopp.

„Si verdüwelten Blagen, brueckt mi ni wier te fuer-  
men!“ raip he un wiskede sit den Sweet van en Kopp.  
De Blagen greenen vüör Schreck.

„Meine armen Kinder so abscheulich zu behandeln!“  
jammerde de Trampelske, un de falsken Tiärne göngen  
iähr vüör Upreegung in en Mund up un dahl.

„Aber Tante, kief äs, mein schönes Pözlain!“ jagg  
Siska.

„Ach was,“ jagg de Tante, „wenn man auf dem  
Lande ist, will man sich doch auch amüsieren, kommt  
Kinder, wir gehen nach Haus.“ Se namm iähre Blagen  
unner de Flittken äs ne Klucke de Rücken un je trocken  
tehaupe af. De annern Gäste gongen auk weg, denn  
met de Gemödlidckheit was't van Dage doahn.

„Du,“ segg de Schulte to sine Frau, „so Stadtlüede  
haelt wi us nich wier up en Hals.“

„Nee, nich eenmoal wier,“ jagg Siska un bekeet be-  
drövt de Pözlainbrocken un dat schöne Diskdoek, wat  
nu ganz vull Wien- un Beerplacken was.

### Moriim Jans nich wier puffedert.

Jans hät ne nette Brauerie un Bäckerie, män ne  
Frau hät he nich. Genes Dages sittet äs en paar Fründe



bi em. „Segg äs Jans,“ segg de eene, „worüm nimmst du di kiene Frau, dat wüör doch vull biärter, äs sif immers met Hueshöllerstken herüm quiärten.“ „D,“ segg Jans un klaid sif ächter de Dahren, „ic hāv eenmoal puseert, eenmoal, män nich wier.“ „Vertellen!“ raipen se alle. „Gerst mine Piepe wier stoppen,“ segg Jans un treckt den Tabaksbühl ut Taske, äs he de Piepe nu in Tog hadde, fonk he an te vertellen. „Äs ic noa jünger was, was ic en netten Käerl, män jedes Wicht was mi nich guerd nog, ic woll jon lücf wat Fienes hāvven, un wat gelährt söll mine Frau auf sien. Ic sin sölvst in Schol alltied de Gerste west un hadde binoah to Geistlick studeert. Äs ic bi't Kammiss was, quammen wi bi't Manöver äs düör jon klein Städtken, wi bleeven doa en paar Dage. Up Stroete söeg ic doa äs de beiden Scholjuffern. „Düwel, denk ic, de Jüngste, dat wüör gra ne Frau für mi.“ Nu wußde ic män nich, wu ic met iähr anfangen söll to puseeren. Ic gonk iähr äs en paar Moal in de Möete un möet iähr söete Augen to. De Scholjuffer möet over en ganz swatt Gesicht un segg to de annere: Ic mag die Soldaten doch garnicht leiden, als ic noch zu Lährin studierte und mit meinen Büchern über die Straße ging, fragte mich mal ein Soldat: Fräulein, studieren Sie zu Hebamme? Seit der Zeit mag ich die Soldaten nicht mehr sehen! Ic dachde, ic blief doch nich Saldoat, ic willt puseeren doch äs prebeeren. Nu hadd ic all wull höerd, dat de Laitnants iähre Damens mankft oavends Schänneraden brengen loatet, un dat woll ic auf äs doahn. Oavends, äs de Trompetter all längst noa Hueje loct hadde, namm ic mine Trummel, ic was bi't Kammiss Tambuer, un stellde mi unnert Fenster van mine Scholjuffer un fonk sien an't trummeln: „Ich bin der kleine Postillon“ un dann en düftigen Wirbel ächterhier. Van de Juffer söeg ic niz, män twee starke Arms packten mi rund um un ic kreeg ganz düftig wat up't Lärder. Son ollen Kiärkel

van Buerentnecht hadde meind, ick woll sinen Schatz ne Schännerade brengen un dorüm hadde he mi nu so vermöbelt.

Ick jon't ant schreien un et gaf ne wahne Balgerie un en Uplauß up Stroate. Als de Geschichte sit upflörde, hadd' ick mine Tracht Prügel weg un mien Trummelfell hadde en Loch.

Annern Dags kreeg ick eerst rächt mien Fetz; ne Pözjohn Kasten wurde mi ankündigt üm dat Weglaufen ut't Quateer, üm den Schandal up Stroate un üm dat Loch in de küninkliche Trummel.

Als wi noahiär utrückden, gont ick äs ne lahme Koh met en verbunnenen Kopp ächter de Kumpagnie hiär un de Scholjuffen stönnen ant Fenster un lachden mi ut.

Dat hät mi noa ant mährste iärgt, un doa namm ick mi vüör, nich eenmoal wier doaß ick pufferen un eerst rächt nich met ne gelährte Scholjuffer."

"Doa mött wi appatt enen up drinken," jegg Anton Bümmel. "Jau, män to," un Jans röep: "Alloh, Kathrin, breng us deer Pöttkes Old! Prost!"

### Ut de Manövertied.

Jans, son kleinen Bruementkürter, quamm van sinen Acker, dat Stierfatt äs Gewähr üdwer in de Hand. Doa quamm Jänken, sine Frau, ut en Huese laupen: "Jans", raip se, "spöel di äs gau de väsigen Hänn aff, et is Besöck für di in't Stüörvken!"

"Dag Jans, olle Jung', wu is't met di?" raip de Besöck un stüördte Jans all entiärgen. "Ick quamm gra hier vüörbi, doa möß't di doch appatt essen jahn."

"Dat stah't mi an", sägg Jans un gaff Heinrich beide Hänn, "dat stait mit, dat du mi upschöfst. Käerl, wat sin wi doch mankst vergnöegt bineen west. Nu män wier



herin, Jännken, hal't beste, wat wi in Huese hävt te iärten un drinken!"

Jans un Henrich wassen bi't Kammiss bi eene Kumpagnie west un hadden alltied trüe bineen hollen. Jännken jett'de den ganzen Disk vull te iärten un drinken, van alles, wat se in Huese hadde. Henrich lait sik't guerd smaeken un dat Bertellen gonk los. Een wuff noa mähr te vertellen äs de anner un Jans soll alltied noa wier en Stückken in, besonners ut de Manövertied. „De Geschichte met et Museseum was auk sien“, segg he.

„Vertell doch, wu was't noa,“ segg Henrich, „ick was der nich bi.“

„Dat fall wull sien,“ lacht Jans, „du olle Driickebiärger haddest di dat Moal an't Manöver hiärdraiht, du bleefft äs Mottenjiärger up de Kammer; män so was't: Wi wassen up en Döörmarst in son klein Schlößken inquateert, twee Laitnants un jess Mann. Äs wi anquaimen, segg de Hueshollerste — gries Kleed, gries Hoar un en lüek gries Gesicht häer se — de Här wüör verraißt, män se un de olle Diener un de Magd föllen genoeg füör us suorgen, se liärvten hier so ganz van de Welt affschluorten.

„Sorgen Sie nur für gutes Logement und gute Verpflegung,“ segg de Laitnant, bi wel ick Burste was. Wi freegen auk alles guerd.

Den annern Dag, ne Tied vüör't Utrücken, göngen wi äs son lüek üm't Schlößken herüm.

„Rinners,“ raip Job Spinnklaut, „mi dücht, doa tüsten de Baim staiht den Härn sin Backs, dat müert wi noch hennig bekiesen.“ De Fensterkes an't Backs wassen dicht to un de Döör was auk affschluorten.

„O wat,“ sagg Job, „dat wüört eerste Moal, dat en Sulboat nich süht, wat he saihn will,“ un he freeg de Döör auk los.

„Hu!“ schreit he, „hier is't nich guerd sin, Junges, ick häv en Inbriärker pacht,“ un foats was he wier buten,

jon kleinen Käerl holl he an't Nackenfell fast. Dat Männken möet wahn Schandal, wi söllen em losloaten, he wüör jä de Här van't Wiärks hier.

„Nee,“ seggen wi, „de Gueshölllerst hät seggt, iähr Här wüör afrast, du spiggeneerst hier blos herüm, wo du noa stiärken kannst.“ Wi halden us ne düstige Bozjohn Strauh und wickelden dat Männken ganz drin to un slierpden em met en Halloh noa't Schlöpfen, wi dachden, wi hädt us nu en Halben verdaihnt.

Jä laip vüörnet. „Mamsell,“ raip ick, „wi hädt en Deef fangen, wo fall de Käerl hen? He jatt in den Härn sinen Backs.“

„En Backs haben wir nicht!“ jagg de Mamsell.

„Ja woll,“ jegg ick, „doa tüsten de Baim is't jä!“

„O majo, majo!“ schreit de Mamsell, „das ist ja das Mausoleum, da ruhen die Ahnen unseres Herrn!“

„Düwel auf,“ jegg ick, „dann hädt wi jon Ahnmännken packt, de wier lebendig is, wi hädt em in Strauh wickelt, doa sind mine Kameraden der met. Jungens, loat em fallen, raip ick ganz hatt, de hät doa all en paar Joahrhunnert in't Museleum liergen.“ De annern Salboaten laiten em nu fallen un doa krabbelde sik dat Männken en lück ut et Strauh heruet un was ant resse-neeren derbi.

„Alle guten Geister,“ raip de Gueshölllerst, „er sieht aus wie unser Herr und spricht auch so, ach, welcher Ahnherr ist da wieder aufgewacht?“ un se soll vüör Schreck in Ohnmacht.

Van dat Spittakel quammen usse Laitnants, de olle Diener un de Magd anlaupen. Nu gaft eerst rächt Spittakel, män de olle Diener wuff Bescheid.

Sin Här was en lück düftig menskenschie, he hadde sik nu in't Museleum verstoppen wollen, bis de Inqua-teerung weg wüör. Sin olle Diener, Hermanns, soll em wat te iärten brengen, män de Fraulüede sollen denken,



he wüör afracist, he was bang, de konnen 't Küeren nich loaten.

Uffe Laitnants möeken vierl Kompelmente bi den ollen Härn, un Tonius Bälamm, de Lazaretgehilfe bi us, daih de Mamfell en Schlaif Water up't Gesicht, dat se wier to sik quaim. Wi annern laipen weg, wat wi konnen un wassen froh, dat wi boll afmascheerden." Un Jans un Henrich moffen wier lachen, äs se an't Museleum dachden. „Ree," segg Jans, „bi sien einzig Manöver häw wi wier en Museleum funnen, wi häern süs gäern noa eenmoal son Ahnmännken in Strauh packt. Jung, wat was't ne schöne Tied bi't Kammiss."

„O, mi dücht, du kannst nu auk all tefriärden jin," segg Jännken.

„Ja wiff," geseede Jans, „män up usse Tied bi't Kammiss mött wi doch eenen drinken."

„Jans," raip Jännken, „nimm di in acht, du kannst nich vierl verdriärgen."

„Meinee," segg Henrich, „mi dücht, hier hät de Frau de Bure an?"

„De Mannslüed mött't alltied son lüed unner Kommando stoahn," knurrde Jännken.

„Nu is't appatt Tied für mi," segg Henrich. „Jans, du brengst mi wull en Endken weg, adjüs Frau Geitling, holl se sik munter."

Jännken woll sien doahn, se gaf Henrich de Hand un segg: „Ade, auk Wiedersehn, Wiedersehn giebt Fraide."

„Jans, blieb män nich so lang ut!"

„Ree," segg Jans, un äs de Dür to was, sagg he: „Wi drinkt us unnerweggens noa'n Schnäpsken; un 't was doch ne schöne Tied bi't Kammiss un ick stoah nu auk noa unner vierl strammeren Feldwiärvel sine Fuchtel äs domoals in Münster bi de Diertahner."

De Feldwiärvel was over nu all dran, de Twiersten wier in Schloap te waigen un was derbi an't singen:

„Schlaf, Kindken, schlaf,  
Süs beißen dir die Schaf!"

## He will sine Fran Plasser maeken.

„Hu!“ schreide de Kürmannske, äs se de Huesdüör los möef, un iähr Mann quamm jüst van buten in't Hues.

„Meinee, Pappa, wat häv't mi verschrocken, ick woll gra äs kiefen, of du noa nich wier quaimst!“

Stoffel Kürmann was noa Mönster Siernd west, doriim häv he auf sienen SUNDAGSROCK an.

„Pappa, wat häste dienen Hoed dicht in en Nacken trocken, häste unnerweggens fraisen most?“ frogg Stina, wat de Kürmannske is. „Kumm, drink di eerst en Schluck heeten Kaffee.“ —

„Nee, ick sin nich kold,“ jegg Stoffel un sett'de sit in sienen Suorgenstohl, „ick will di eerst äs vertellen un di wat wiesen, du fallst di wünnern, män ick woll di auf Plasser maeken.“

„O Här, o Här,“ jegg Stina, „ick hörd all wull, du häst di in Mönster wier ansmiären loaten. Weeste noa, lesten Siernd, doa häste mi en Kästken Pulver metbracht, doa häerm in eenen Augenblick de Wiärldbüppen met blank, un wat häv't ne Raud hat, äs ick mi ant Puzen gaf, was't nix nich äs Zuckpulver, ick häv mi noahär noa twee Dage de Hänn schueren most, so hadde mi dat Düwelstüg quiärkt. Wat hävt se di nu wull up de Dahren hangen?“

„Nu schänn doch nich foats, Stina,“ jegg Stoffel, „ick woll di jä män gäern Plasser maeken. Wat fraist du di wull, wenn du wier jon netten jungen Mann härt!“

„Ja woll, met en ollen Kopp,“ brummt Stina wier. Batter wußt over wull, dat he düet Moal nich ansmiärt is un jegg: „Nu loat mi doch äs vertellen. Wenn in Mönster Siernd is, stoacht der auf vierl Schäestes un Bonen up en Nieplaz. Büör eene Bone stönn en Mann,



de was ant ropen: „Hier ist das berühmte amerikaniſche Haar-Erzeugungs-Institut!“ Ei, denk ick, dat wüör wat fūr mi, wat ſall ſit Stina frai'n, wenn'k wier en Kopp vull Hoare häv. Ick frogg den Mann äs, of he up minen fahlen Kopp wier Hoare waſſen loaten könn. Gewiß, jegg he, kommen Sie nur herein, jegg he, ich laſſe Ihnen in einer halben Stunde den ganzen Kopf voll Haare waſſen; ſehen Sie meine drei Töchter an, jegg he, die haben auch mein Mittel gebraucht. Alekto, Tiſiphone, Megära, raip he, un doa quammen de Wichter all an. Nee, jegg ick, ſöken Wulſt von Hoar up'n Kopp äs de Wichter will'k appatt nich hävven, dann laupt mi jä alle Blagens noa.

Ist auch nicht nöthig, jegg de Käerl, Sie bekommen Haare ganz nach Wunsch, Sie brauchen auch nur fünf Mark zu bezahlen, jegg he. Fieſ Mark is vierl Geld, jegg ick, män ick woll Stina, wat mine Frau is, gäern Plaſſeer maeken, dat ſe doch auk wat von Mönſter Eiernd hät; hier ſind de fieſ Mark un nu hännig an't Wiärks, jegg ick. Ick moſſ mi nu ſetten un de drei Wichter gaſſen ſit ant riewen, un büörſſeln un waſken up minen Kopp. Se froggen, von welke Klöer miene Hoare weſt wüörn. Is eendoahn, jegg ick, een paar grieſe könnſt ji män der-tüſken waſſen loaten; et is auk män bloſ, ick wull Stina en Plaſſeer maeken.

De Wichter ſtreenen mi wat up'n Kopp. Meinee, jegg ick, Frailein, is dat Peru-Guano? —

Nee, jegg ſe, das ist von das allerfeinste — von das allerfeinste — ja, ick weet nich mähr, wat ſe ſagg. Et was mi over heet un kold woarn up en Kopp, ſo nammen em de Wichter hiär.

Nun ſind die Haare da, raip Alekto, un wenn'k ſe nu mähr ſnieden loaten möſſ äs fröher, jöll'k dat nich vüör üörvel niermen, dat Middel wüör ſo kräftig. — De Batter van de Wichter holl mi 't Speigel vüör un

würklick, mi wassen de Hoare wassen. Nu kiek! wat häste nu füörn schönen Mann!" —

Stina möek en ganz verstört Gesicht. „Nee, wu gahst dat to?“ raip se, „würklick en Kopp vull Hoare!“ un se tröck äs an de Hoare.

„Nu, au!“ schraide Stoffel, „je sind mi jä anwassen; häv't di nu nich Plassfeer maekt?“ —

„O du Schoapskopp,“ raip Stina, „häv't doch foats dacht, dat je di wier ansmiärt, nu häste dien Geld weg, nix häste, dat Volk hät di män blos en old Offensell up en Kopp kliärvt, nix äs en Offensell häste up en Kopp!“

„De ollen Bedraigers!“ schreit Stoffel, un will sik't Fell van en Kopp rieten, män 't was fast kliärvt. „Nix eenmoal goah ick wier noa Mönster Eiernd,“ segg he.

### Dat Phänomen.

„Pottske, tömt äs,“ jagg Bärnd Lummelmann to de Eierfrau, äs je bi siene Moder Eier kofst hadde. „Se is jon klof Mensch, kann Se mi nich seggen, wat en Phänomen is?“

„Ja wisse,“ jagg de Pottske, „wacht äs, ick hävt kuors noa liärjen; en Phänomen is, wenn de Koh in en Appelbaum klait un met en Stiärt de Appeln plückt; adjüs Bärnd.“ „Guttgohn,“ jagg Bärnd un denkt, dat gif en Juy. Noahiar vertellt he an de Jungens ut de Noaberschapp: „Denkt ju äs, usse Koh hät en Kalw kriergen, dat is en Phänomen.“ „Wat is dat en Phänomen?“ froggen de Jungens. „Dat is en Kalw, dat klait bi Moandschien up en Baum un plückt de Appeln met en Stiärt. Kuermt van Davend män in ussen Appelhof, dann könnt ji dat Phänomen sölvst sahn.“ Den Davend, jon Uhr of niergen, quammen alle Jungens auf in Lummelmans Appelhof, un richtig, buoven in den eenen Baum satt en raud un witt Kalw un prebeerde met en



Stiärt de Appeln te plücken. Guerd klaien mos dat Dier wull nich können, denn et hadde ne Ledder an en Baum stoahn. De Jungens wassen eerst stumm vüör Berwünnerung, over boll smeeten se met en Stock noa de Koh. „Muh, muh!“ jagg dat Phänomen. „Muh, böh, muh,“ schreiden auk de Bengels un dat Phänomen gaf Antwoard; würklick et was en nett Concert. De olle Bimmelmann weet nich, wat in sienen Appelhoj vüörgaiht, he kümt äs mit en Knüppel herut, sine Frau achterhiär.

„Wat doh ji Bengels in mienen Appelhoj?“ röep de Buer. „Wi bekieft män dat Phänomen,“ lacht Jans Surmann, „jue Koh hät jä en Phänomen kriergen, of hävt ji dat sölwst vüör vettaihn Joahr kriergen?“ Bimmelmann möef en ganz vernienig Gesicht un de Jungens reeten ut. „Meinee, meinee,“ jagg Batter Bimmelmann to siene Frau; „Settken, kief äs in den Stall, ick glaiw, se hävt us ufse Kalw in en Baum hangen.“ „Nee,“ jegg Settken, „dat Kalw is der noa, män dat Fell van de Koh, de wi slacht hävt, dat hävt van Noamdag all socht.“

„Herut du Appelbeef, de us dat Fell noa derbi stuworen hät,“ röep de Buer. „Bärnd, Bärnd, kumm äs, wi hävt en Appelbeef fangen,“ un he fönt an, an den Baum te rüddeln. „Goat dat doch sien, Batter,“ röep dat Kalw, „ick sin jä män dat Phänomen un kann mi in dat Fell nich bewegen“ un langsam quamm Bärnd ut den Baum glieden. De annern Jungens wassen wier naiger fuermen un juchden vüör Plasseer, män Batter namm Bärnd an't Schlafittken met in't Hues un ick glaiw nich, dat he Lust hät, noa eenmoal wier en Phänomen te spierlen.

### Frailein Kosamunde.

Frailein Kosamunde mag de Mannsliede garnich lieden, un wenn iähr de Härens in de Møethe fuermt

in en Goed afstreckt, dann maind se doch foats, se wüörn in iähr ganz verschuorten. Jähr ganze Hiärt honk män blos an Parmiken, en ollen, jetten Rüen. Wo se in Suesje herüm gont, fleet he ächterhiär, un wenn se up't Kanapee satt, dann namm se em foats up en Schaut. Järten un Drinken doht de Beiden auf meerstieds ut eenen Napp, he moß wennigstens alltied iähren Teller, iähre Tass un iähr Glas utlecken. Se hadde nu over von den Rüen, de äs alle ollen, jetten Rüens ruett, auf en ganzen Rüengeruch annuormen. Wenn se nu up Stroate quamm, dann laipen iähr auf foats alle Rüens noa un de Lüede beklagden sit all düchtig, denn wenn so vierl Rüens bineen wassen, dann gas't auf boll Vieterie, denn de Diers konnen all de Snuete düör den Muelkuorf kriegen. De niee Bürmester woll nu Wandel schaffen un sit äs sölvst üörvertüegen, wat Woahres an de Gesichte wüör.

Se gont nu Frailein Rosamunde mährmoals entiärgen, un wenn he dann bi iähr hiär gont, trock he daip den Goed af un snüffelde üm sit. Frailein Rosamunde meinde nu wier, de Bürmester woll met iähr anbinnen, un se woll doch nix met de Härens te dohn hävven. Se schickde em nu en grauten Schriebebreef un jagg darin, se mög män blos de Zuffern lieden un he söll sit män nich inbellden, dat se de Bürmesterste sien will, he bruekede iähr garnich so noatelaupen.

Doa kreeg se over en Breef wier, de Bürmester schreef iähr, he häer sit män blos üörvertüegen wollt, of se wüerlic den Rüengeruch häer, un doa he dat nu faststellen könn, möß he iähr upgierven, wenn se'n nich afleggen woll, dat se nich mähr up Stroate kuermen dröf. He häer alle Dage nie Spittafel up't Baro, de Lüede beklagden sit, dat se de Rüens anlockde un dat sit de Diers denn, wenn der so vierl tehaupe wüörn, halb daud beeten. Jähr sölvst wull he auf garnich hävven. De Bürmester hät auf Frailein Rosamunde iähr Schrieben



an annere Härens wiest un de hänt de Geschichte to Huese vertelld un doa waft hennig in't Städtken rund, wat Frailein Rosamunde für ne Fidee had häer.

So lange äs Parmiken noa liävde, is se nich mähr up Stroate goahn; he is up iähren Schaut sturven un in en schön Kästken met Sand un Bloemen hät se em begraeven un in iähren Keller stelld.

Up de Mannslüede is se nu noa mähr dull äs fröher, doch en Kiien hät se nich wier nuermen, et is iähr noa alltied vierl te wehmöedig um't Hiärt, wenn se an Parmiken denkt. Se hät nu ne Katt', un äs em sit vertelld, hät se nu auk all en ganzen Kattengeruch an sit, binoah jüst so, äs de Damens, de sit alltied so wahn met Patfschulli begaiten doht.

### Se mott alles wierten.

De Windmannste is män jon klein Menst, män wahn grant an Nieschier und Kierjamkeit. Se is alltied up en Patt um wat te höern un te saihn un dorüm löpp se auk in alle Kaffeehüeser, un doa sitt se dann alltied so, dat se lustern kann, wat sit annere Lüede vertelld. Uörverall mott se iähren Snüffel in doahn. Vüör ennige Wiärf was se äs in en sologschen Goarn, un snüffelde doa alles düör. Se hadde sit auk all ne ganze Tied bi de Napen uphollen un se befierken, doa miärkede se up eenmoal, dat de Wärter, wel de Napen rein Strauh gierven hadde, vergiärten häer, den Schlüerdel van't Napenhues aftretrecken.

„Ah,“ jegg de Windmannste, „nu will't mi doch dat Napenhues äs en Lüef van binnen befieken, de Diers sind jä vüör in en Hof un miärkt der nix af.“ —

Met iähr Paraplüe in de Hand un de Brill up de Niärs keek se in't Napenhues, män se konn noa nich genoag saihn un se gont der ganz in.

De Apen sind kloeke Diers; äs je den Besöck miärken daihn, quammen je all heran un ähr de Windmannste terüg konn, hollen de Diers je fast un tröcken je vüör in en Hof. Gene Ape namm iähr de Brill van de Niärse un daih je sit sölwist upsetten; de annere Ape gonk met et Paraplüe af un de annern Diers nammen je in en Arm un wollen iähr 'n Müelken gieren.

De Windmannste was holl ganz beswaige vüör Schreck. „Här Ape, Här Ape!“ raip je, mähr konn je nich seggen.

De Kinner vüör't Apenhues häern wahn Vergnügen, je waffen an't lachen un raipen: „Seht mal, ein neuer Affe ist da, und er ist angekleidet, sieht bald aus wie eine rechte Frau!“ De Kinner bleeben an't lachen un roepen, un de Apen waffen an't schreien, doa quamm de Wärter anlaufen.

„Donnerwär,“ segg he, „wu kümt mi de olle Schachtel in't Apenhues?“ un doa süht he, dat he 'n Schliürdel vergiärten hadde.

He gonk met en Stöck in't Apenhues, män de Apen wollen de Windmannste nich losloaten; doa namm he 'n ganzen Emmer vull Water un klatsch — doa was de ganze Gesellschaft natt un de Apen laipen up Siet un he konn de Windmannste ut et Apenhues brengen.

„Die bösen Thiere,“ segg de Windmannste, je was ganz van Dahn kuermen, „ach, lieber Mann, ich will“ —

„D,“ raipen de Kinner, „der Affe kann auch sprechen.“

„Olle nieschierige Madam,“ reffeneert de Wärter, „maect dat ji wegkuernt, süs stopp ick iähr wier drin.“

De Windmannste fonk holl an't grienen vüör Schreck un Färger, un je möet, dat je ut en sologschen Goarn quamm un de Kinner laipen iähr noa un raipen: „Da geht der sprechende Affe her!“

Dat was de Windmannste over ne guerde Medzin, dat je äs eenmoal drin fallen is füör iähre Nieschier, denn wo man nix te doahn hät, doa mott em de Niärs auf nich drinstiärken.



## Schulte Gneserich.

Schulte Gneserich gont düör sienen Appelhof, de Appeln met de rauden Bäckstes lachden em so fröndlick an, män he feek se nich äs wier an, he hadde so viel in en Kopp te drieven.

Siene Frau was daud un Kinner wüörn der nich, un nu wassen em in lester Lied wier de Gedanken up't Frieen kuermen, män doabi was em nu doch ne Gues üörver de Viärver laupen. He hadde viel an Truta, wat siene Gueshöllerste is, dachd; viel Vermüergen hät se nich, män se paßt guerd up't Wiärks un hölt alles düftig bineen, noa biärter äs de fierlige Frau doahn hät, de was over auf de lesten Joahre alltied en lück sief west.

Truta hät et auf all lang in de Märse had, dat se de Meerske Gneserich wäeren wull, män he is iähr nu dull to, se is em te fröndlick tiärgen den Vaitnant west, de up'n Hof in Quateer liergen hät, un se hadde nix Laiges doabi dacht.

Gneserich kloppde siene Pieve ut, trock sienen Tabaksbühl ut Tack un kuurt so vüör sik hen: „Gott Dank, dat ick de Inquateerung los sin, de Fraulied sind doch rein dull, wenn se Suldoaten saiht, un de Jungens doacht doch nix äs se satseeren. Truta fall't over auf nu miärken, dat hier holl füör iähr sien Dag mähr is. Guerd, dat mi van Hiärvst siene Suldoaten mähr up en Hof kuermt, dat Befriärten sin'k leed.“

„Schulte!“ raip Truta, se quaim ut en Guese biärsten, dat Panntoekenmess noa in de Hand, „mi dücht, wi mött uffje Hohner wahrn, Jans jagg effen, ächter up ussen Ramp wüörn ganz viel van de Sigeiners.“

„All wier Inquateerung!“ brummt Gneserich.

„Meinee, kiest doch äs,“ schreit Truta un stodd em in de Rippen, „doa is all wat van dat Volk.“

Un doa stönn auf all jon bruen Wief vüör em, de swatten Hoare hängen iähr unner dat raude Doek hiär

up dat bunte Lüg, wat se anhät, up 'n Rüggen hät se ne kleine Blage bunnen un tiärgen iähr an laip en Jungen met blaute Beene, de Sigarre in en Mund.

„Ach, liebes Herr; schönes Herr,“ segg se to em un namm siene Hand, „ich will Ihnen sagen die Zukunft; o, wie herrlich die Lebenslinie; wie die Sonne die Wiese beleuchtet, strahlt bald das Glück auf Ihr Haus hernieder, schönes, junges Frau kommt, liebliche Kinder und wunderbar blüht“ —

„Nu män still,“ segg Gnejerich un treckt de Hand weg, he wiskede se noa an de Buxe af. „Truta, gief iähr en Stück Speck un dann maß van en Hof.“

De Sigeunerske namm dat Speck, se hadde noa nich so rächt Järs te goahn, män de Rüens waffen wahn an't bliärken, de Knechte quammen ut en Stall, doa trock se af met iähre Blagen.

Truta gonk in de Küerte, se häer sik wull gäern äs wicken loaten, män de Schulte möek en vierl te verdraiht Gesicht. He gonk nu foats in siene Stuwve un studeerde up't niee, wat he giestern all in't Blättken liärsen hadde.

Doa stonn in't Mönsterste Blättken jon Frailein in nich mähr so ganz farten Oller, dat woll gäern hieroaden, se hät vierl Gemöed un woll so gäern en Mann glücklich maeken.

Gnejerich dachde: dat is en Appelken für mi; dat bruene Wief kann doch viellicht wull dat Rächte seggt hävven; ick will't doch äs probeeren, loat Truta sahn, wo se blif met iähren Laitnant. Dat Stadtwichtken is wiß für mi bestimmt un kann sik auk villicht guerd hier schicken un ick häv jon nett junk Fraiken.

Acht Dage later, de Breefe waffen hen un hiär goahn, gonk de Schulte noa Mönster, bi Conditor Söetmann will he sik met Frailein Liesken driärpen.

Äs he in't Conditorstüörvken quamm, satt doa män jon Fraumeniß an en klein Disken, wo düstlig Koecken upstönn un auk en Likörken, dat höert der jä so bi. Et



was jon Fraumenst, wat all wull vettig Moal de Mai-blöemkes jaihn hadde; se was düftig noa de Mode antrocken un iähre Märse was so graut äs ne utwassene Gurke. Ei, dachde Gneserich, wenn de Olle män gönt, süß schanneert sik dat junge Wichtken, wenn't gliex künt. Et was nu auf holl Lied, dat et Frailein kuermen moß, he reckt sik wat herut un steckt sik en klein Rösken in't Knopplock, so soll se em kennen, was asmaect.

Majo, wat verschriekt de Schulte, äs de olle Zuffer em met en ganz söet Gesicht binoah üm en Hals föllt.

„O!“ raip se, „wie mein Herz kloppt, ich fühl's, wir sind für einander bestimmt.“ Se küert vierl, he kann holl nix dertüsken seggen; se rückde em auf ümmer's naiger, un he miärkte wull, se wüör ant laivste foats met em up't Standesamt goahn. Doa häv't mi appatt in de Märkeln jett'd, dachde de Schulte, nu mott'k jaihn, wu ick de olle Siepel wier los wäerd, un ick dachde an jon nett Wichtken.

„Frailein, mi dücht, Sie passen nicht fürs Land, Sie können sich da gewiß nicht gewöhnen,“ segg he.

„D,“ gnesede Giesken, „in der Jugend gewöhnt man sich am besten,“ un se verdraihde de Augen äs en verjähärmden Backfisk.

„Es soll Sie doch wohl zu still bei mich sein!“ jont he wier an.

Se schüddelt den Kopp un segg: „Nein, gewiß nicht, wir können ja viel Besuch haben, meine Freundinnen kommen oft; das Mädchen backt uns dann zum Kaffee Eisenkuchen und nachher giebt's Stippmilch und Pfannkuchen, dann fehlt der Besuch nie!“

„All wier Inquateerung,“ brummt Gneserich un kraht sik ächter't Dahr.

„Einquartierung!“ raip se, un was Frier un Flamme, „kommt oft Einquartierung? Ach wie schön, ich schwärme für Soldaten. Meine beste Freundin ist Zuffernante in's

Ausland gewesen, sie spielt dann Klavier und wir tanzen. Sie haben doch ein Klavier?"

"Nee, män ne nice Diärskmaschin häv't kofft," segg Gnejerich un drinkt sien Büllken Beer ut un rückt dichter noa de Dür. Dat Frailein rückt em noa. Se hadde all so faken probeert en Mann te snappen, eenmaal moß't iähr doch glücken, se gaf so licht nich noa.

He weet noch gar nich lostekuermen. „Frailein," segg he, „können Sie Kalwer büernen?"

„Amelsbüren? ja das kenn ich!" segg se ganz föet.

„Alle Schoap," brummt Gnejerich, „wacht, ick will di doch quitt wäern."

„Höern Se äs, Frailein," segg he, „miene Frau mott auf Gauseeier utbröeden können, kann Se dat auf?"

Doa sloeg dat Frailein de Augen wier ganz verschjärmt dahl un segg: „In die Schule hab ich's nicht gelernt, aber wenn Sie's mich zeigen, kann ich's auch!"

Gnejerich spronk in de Höchde: „Frailein," segg he, „ich muß mal nach's Wetter sehn, wachen Sie män, bis ich wieder komme!" Met en Saß was he an de Dür.

„Gleich nebenan können Sie den Ring kaufen," raip dat Frailein em noa. „Ich warte auf Sie!" —

„Doa luer up!" segg he un moek sit up en Patt noa Hues, äs wenn em de Düwel in en Nacken satt.

Frailein Liesken sall wull geduldig en paar Stunden wacht hädven, se was't Sittenblieven ja all lang gewuehrend. Schulte Gnejerich hadde nu genoeg van de Stadtwächter, he söeg wull in, dat Truta biärter füdür em passde, un dat 't nich so laige wüör, wenn se auf äs en aardig Wöärkfen met iähre Inquateerung kuerde. Büörgde Wärf was de Hochtied van Schulte Gnejerich un Truta; Frailein Liesken stait all wier in't Blättken, villicht findt se doch noa'n Mann, et is ja sien Pöttken so scheef, et paßt en Diärkel d'rup.



## Röäthlin Siepel.

„Här Doctor, Här Doctor, kuermt Se doch äs gau noa de Röäthlin Siepel, ick weet nich, wat dat met iähr is!“ schreit Lena, wat dat Uppassewicht van de Siepelske is, to'n Doctor. „Ich werde gleich kommen,“ jagg de Doctor.

Röäthlin Siepel was äs en wahn grauten Giezepinn bekannt, se tiärnde nich dat Geld, üm sik rächt satt te iärten, un darüüm gonk se Noamdays laiver noa de Bekannten, wenn't so Tied was to'n Kaffee, dann konn se iähren Kneipp halv met Sufferi sparen. Se söeg alltied so schwächtrig ut un dorüm froggen iähr de Güede mankst, of se sik auk wull satt iärten daih. Dat konn se nich guerd hävven. Doa up eenmoal söeg se vierl biärter ut un endlicks was se ganz dick un rund. „Ich begriep mi dat nich,“ jegg Lena faken, „ick hal iähr doch ümmerß noa Middags män blos ne halive Pözjohn Färten un de Halwtscheid stellb se noa füdür den Davend weg. Un up eenes Dags hält Lena den Doctor, denn de Röäthlin konn kien Board mähr seggen, se daih män noa grunzen äs ne olle Kobde. De Doctor quamm, de Röäthlin bleef an't grunzen. „Hier scheint mir fast ein Thierarzt nöthig,“ jagg de Doctor un gaf sik an't unnersöeken. „De Geschichte kümt ut den Magen,“ jegg he. De Röäthlin möß met in't Krankenhuus, se söll opereert werden. De Röäthlin gaf sik an't Jammern, ick woll seggen an't Grunzen äs en richtig old Swien, män se möß met. Doa hät he se nu ganz losschnierden un doa quamm de Geschichte an't Dageslicht. De Siepelske hadd de Stimm' verluoren, wiel se van binnen ganz vull Plüdfett satt un dat klærde sik auk up. Se wull nich mähr so schwächtrig utsihn un doa hadde se sik alle Dage ne Pözjohn Swienemastpulver in't Färten doahn, un dat was so mächtig anslagen.

Se moß nu mähere Wiärk in't Krankenhuus blieden un ne stramme Kur düörmaeken, en lück van't Blückfett hät de Doctor iähr auf wegschnierden.

Äs je nu wier maneerlick utföeg un nich mähr grunzen bruefde, konn je wier noa Hues goahn. De Güede nennt je over nu de Roddensiepelste. Lena jagg, je möß noa alltied män ne halbe Pokjohn Järten halen, män de Rödthin drümf sik nu mankst en Püllken Beer. Met Moat Beer drinken is jä auf all guerd, män manchereen drinkt te vierl un is dann auf en Swienken, wenn he auf faken nich grunzt.

### Dat Denkmoal.

Jans Hampelmann is en guerden, slietigen Käerl, he gonk alltied up en Handel un wenn he dann Eier, Buortter, Hasen, Hohner un wat't all is, genoeg bineen hät, dann gaiht he noa de Stadt un verköfft alles wier. He wuehrnd dicht an de Schaffee tüssen Hierben un Stepwert, un nich wiet van em hät Hinnerk Swatt ne Wäerdschaft un doa gaiht Jans mankst hen. „Davends,“ jegg he, „smect jon Pöttken am besten,“ un he kief doa auf wull in de Zeitung.

„Jä, so is't in de Welt,“ jegg he eenes Davends to Hinnerk, „usse eens mott sik ploagen un annere Güede trigg de Ordens un iähr wet en Denkmoal jett'd, ick main nich en Kaiser of so eenen, so wekke, de düftig up't Klaveer trummt un sökke, de lutter dumm Tüeg schriest, wat kien Menst nich verstoahn kann.“

„Wu kannste küern,“ jegg Hinnerk, un lacht ganz ver-smiht, „du kannst doch stolt nog sien; dat du jon ser-mosten Handelsmann büst, hävt je in Wönster längst insaihn; goah doch äs hen un kief to.“

„Wel hät denn wat jeggt?“ frögg Jans un drinkt sien Beer ut.

„Weest't denn würklick nich,“ jegg Hinnerk, „in Wönster up en Fleesmarkt, dicht bi'n Dom, hävt je di 'n Denk-



moal jett'd, jüst so, äs du büst, wenn du up en Handel gaihst. Du moßt di eegentlic fjuör de Gähre bedanken."

"Erst will'k dat Dink saihn," jegg Jans, un joats den annern Dag troc he sienen besten Lammwert an un moef sit up en Patt noa Mönster. Büör in Mönster künnt em jon Polsei in de Möete.

"Entschuldigen Sie, Här Polsei," jegg Jans un treckt de Müske af, „können Sie mich wohl sagen, wo hier mein Denkmoal staiht?" „Wie meinen Sie das?" was de Antwoard, „ich versteh Sie nicht, wer sind Sie?" „Ich bin Johann Heinrich Hampelmann," jegg Jans, „wohne an de Schaffee dicht bi Drecksteinfurt, handle mit Butter, Ciern, Hasen, Hohner und so was." „O, jekt versteh ich," jegg de Polsei, „nun weiß ich Bescheid, gehen Sie nur gerade aus, dann rechts, und Sie kommen gleich zu Ihrem Denkmal."

"Vierlen Dank," jegg Jans un ganz stolt gont he den Buorgen langs — un doa stönn he all vüör den Kiepenkäerl.

"Meinee, meinee!" schreit he, „jüst äs ich, meinee, jüst äs ich sölwst, miene Piepe un alles derbi." 't Synasium was gerade ut un doa quammen ganz vierl Jungens un keeken sit Jans sien Plasseer an. De Jungens lachden un raipen: „de Käerl hät en Koller," un et gaf jon Kadau, dat en Polsei quamm, doa flüörge de Jungens noa allen Sieten uteen. Jans gont in't Wäerdschues dicht bi'n Kiepenkäerl. He lait sit Beer un en Schinkenbuttram gierven, män he hadd' doch nich recht Sinn to't Järten un Drinken, he moß stump an't Fenster stoahn un sien Denkmoal besaihn.

"Sie kennen mir wohl nich," sagge he to'n Wäerd, „ich bin der Mann von's Denkmal, wenn Sie vielleicht eine Gedenttafel an Ihr Haus machen wollen, ich bin Johann Heinrich Hampelmann, wohne an de Schaffee bei Drecksteinfurt un handle!" — Doa font de Wäerd an't lachen, dat he nich utküern konn. „Mann," jegg he, „in

wu vierl Wäerdsbües jind Se van Dage all west?" Jans feek ganz verbiestert ut. „Jä fuern jä jüst van Hues, sin Johann Heinrich Hampelmann, wuehrne“ — „Holt män in,“ röep de Wäerd, un Jans lött sit nu kloar maeken, dat em Hinnerk öwt hadde. „Wachde Lump, di pack ick wier!“ brummt he ganz grimmig. He holl sit nich lange mähr in Mönster up. Den annern Dabend gont he over wier noa Hinnerk hen. De stonn bi sienen Rünen vüör de Huesdüör un wenn't auk all en lüek düster was, he konn sienen Noaber doch noa kennen. „Riek, Jans,“ segg he, „büste in Mönster west?“

„Ja,“ segg Jans, „ick häv auk mien Dentmoal jaih, Käerl, wat was't schön, un wat sin't dankbar füör de Gähre un auk bi sin't dankbar, dat du mi dat seggt häst. Du jallst over auk jaih, dat ick dankbar sin, ick häv di en lecker Wuorstbrödken metbracht, äs de Vüede alle Soaterdag in Mönster bi Scheffers kaupen könnt.“ Jans was en Leckermuel. „Ha,“ segg he, „doh hier.“ „Sachte, sachte,“ röep Jans, „t is Papier drüm!“ un ganz vüör-sichtig daih Jans en lüek Papier up Siete: „So,“ segg he, „nu biet äs düftig to!“ un he hölt sien Packetten Hinnerk an en Mund. De reet den Mund los, äs wenn he'n ganzen Offen schlucken wull, un beet dann to. Brr, brr, wat font he an't spiegen. „Käerl, woa häv't doa in biärten?“ schreit he. „D,“ segg Jans, „män blos in ne daude Katt' un wenn du twiärkl van dat Stück iärten wußt, will't je di in Mönster auk en Dentmoal setten, dat du dat gröttste Swien van de Welt büst.“ „Du Lump,“ röep Hinnerk un will Jans wat an't Viärder gierven, män de löp weg, wat hefte, wat kannste. De Beiden jind sit noa ümmerß schallu to un Jans drinkt sit nu Dabends ammerwegens sin Pöttken Beer.



## De Düwel up de Diärl.

„Batter, luster äs, wat't up usse Diärl togaiht,“ jegg eenes Nachts de Teckelske to iähren Mann. „Ich häv't all höert,“ jegg Batter, „ich weet nich, wat't is.“

„Wi mötted appatt äs kieken,“ jegg de Frau un trecht fik't Kleed üörver, „hier is de olle Sabel, ich niern den Bessen, un nu will wi losgoahn!“

„Ja woll,“ jegg Batter, „män goah du vüör, weeste, ich häv den Fuorst so in de Leeven.“

„Nee,“ jegg se, „du büst Här in Sueje, du most te eerst goahn.“ Män Casper Teckels hölt fik ächter siene Frau.

„Kief äs eerst düör de Gliewen,“ jegg he, äs se an de Diärlendüör stönnen.

Up de Diärl was en wahn Buusen. Karlien möef de Düörflapp en lück los. „Hu!“ schreid' se, „ich jah en paar glainige Augen!“ un doa quamm iähr auf all en Hoarbüskel düör't Gesicht. „Hu!“ schreid' se wier, „de Düwel is up de Diärl, Batter, loat us män laupen!“

Nu konn Batter laupen äs en Hase un äs sine Frau in de Kammer quamm, lag he all unner de Diärke. Karlien blev vüör lutter Angst de ganze Nacht met en Bessen in de Hand up de Bettkant sitten, män se konn fik vüör Naud nich biärden.

Äs't den annern Dag lächt un ganz still up de Diärl was, gongen de Beiden hen; jö, wat föeg't up de Diärl ut, de Ledder noa'n Büern, de Sniedlad, en Rüddefuorj, en old Piärkelfatt, Greepe un Stierkatt un wat doa süs noa was, alles lag düörneen un midden tüskten lag — de Koh un was an't slopen.

„Meineeken,“ röep Karlien, „usse Bleß is't west!“

„Bürklick,“ jegg Casper, „dat Dier is van Nacht ut'n Stall laupen un hät fik hier verbiestert un wi meinden, de Düwel wüör't west. Loat us män stille dervan sin,

jüs lachd us de Noabers noa ut, — un bang sin wi doch nich west, wi sind doch foats up en Düwel los goahn!“

„Un besonners du, Batter,“ jegg Karlien.

„Ja,“ jegg he, „ic häerd noa ganz anners maect, wenn't nich den Fuorst so in de Leeden häer; maß, Bleß, du olle Dier, maß in en Stall!“

Bleß daih ganz verwünnert de Augen los, ic glaid, je häv't begrierpen, dat de Vüede met't gröttste Muel bang sind äs de Järsten in en Pott.

As Batter de Ledder wier upstellde un Karlien dat annere terecht möek, stiärkte Bleß noa eenmoal den Kopp düör de Klapp van den Kohstall un möek Augen, äs wenn je jeggen woll:

„Löwenmuel un Hafenshiart  
Löp all weg üm mienen Stiärt.“

## De Tüffelske.

De Tüffelske was en old Menß un wat je an Joahren toenuormen hadde, haer je auk an Rieschierigkeit toenuormen. Wo wat te saihn was, doa stonn de Tüffelske, un wo't wat te klatsken gaf, was je auk. Se was noa ganz noa de olle Mode antrocken un alltied hadde je 'n Samntbühl an en Arm; in den Bühl hadde je den Schlierdel von iähre Wuernung un de Brill, dat je je män immer hennig bi de Hand häer; de Vüede seggen, mankst wüör auk wull ne Pülle met en Söeten in en Bühl.

Genes Dags föll nu ne Frau eärd wäern un dat moß de Tüffelske auk saihn. Se sett'de iähren Hoed met de Biölkens up, daih de Mantillje üm, namm den Bühl an en Arm, dat Parplüe in de Hand un gonk los.

Up de Stroat quamm de Köster bi iähr hiär. „Meinee, Jennand,“ jegg se, „wu is't, büste nich bi't begrawen, 't is doch Lied!“



„D,“ segg de Köster, „wiert ji't denn noa nich, de Daude is wier lebendig wuorn.“

„Marjo, wier lebendig,“ raip de Tüffelske, „wacht doch äs und vertell mi dat!“ De Köster gaf jik an't laupen un de Olste em noa. Doa reet sonne olle Moer iähr Fenster los un raip: „Tüffelske, wat is der los?“

„Wiert ji't noa nich äs,“ segg de Tüffelske, se moss stoahn bliewen, de Dahmpiep wull iähr utgoahn, „se wollen de Bellmannske begraven, un nu is se wier lebendig wuorn un se lag all in't Sark.“

„Meinee,“ segg de olle Moer un quamm up de Stroat, „doa süht em doch wier, dat de Docters der nich infieten könn, ick segg't ümmers, wenn ick daut sin, se söllt mi in en Puls stiärken, dat se mi nich lebendig begrawot.“

„Wat is der los?“ frög de fossige Henrich, un stellde den Emmer met en Wittelquast bi jik dahl, he holl jik de Hand an't Dahr, he konn nich guerd höeren.

„De Bellmannske is wier lebendig wuorn, se lag all in't Sark, de was tomaekt, doa hät se ganz hatt roepen: ick sin jä nich daud, seggen de beiden Fraulüede.“

„Junge, Junge,“ segg Henrich, „wat en Glück, dat se noa nich in de Kuhle was.“

Nu hadden jik auk all ne Pözzohn Blagen üm de drei stellb un krijöhlden: „De Bellmannske is wier lebendig wuorn!“ Et duerde nich lange, doa was de Uplaup jeddig. Dat Kriesken un Schreien war graut un se wuffen all noa mähr te vertellen, dat de Bellmannske wier lebendig was un all Kaffee drinken daih un all twee Buttrams met Schinken up häer.

Up eenwoal quamm de Liefensjug an un nu gaf't eerst rächt noa Spittafel un de Jung, de dat Krües vüdruct driärgen moss, konn nich wieder goahn. Doa quamm een van de Polsei un wull de Lüede up de Kante drieben, män de Tüffelske gont up em los: „Nu seggt mi doch,“ raip se un packde den Polsei an en Rockknopp, „is se drin, ick mein, se wüör wier lebendig wuorn?“

„Dat is mi een Pottnatt, wat ji meint,“ jegg de Polsei, „maß weg!“ män de Tüffelske woll noa nich noaloaten un all de Blagen fongen met an't roepen. De Pastor moef en ganz swatt Gesicht, dat he nich wieder konn, doa dreev de Polsei met sien Spitt dat ganze Geräppel ut en Weg un de Liekensäug konn passeeren, män de Mannsküede, de noafolgden, de küerden nu noa mähr äs se süs all doht un et lütt doch ganz jchlecht, wenn se ächtern Daudenwagen so hatt küerd. De Polsei gonk over noa de Tüffelske un schreef iähr an un noahiär moß se Stroaß betaelen, dat je 'n Stroaten-Uplauß maect hadde. Nu süht man iähr nich mähr so vierl up Stroat stoahn, je gaiht nu mähr in de Hües te klatsken un te lustern, un wenn je den Köster süht, draiht je den Kopp weg, män wenn iähr de Blagen säht, dann roept je wull äs mankst: „Tüffelske, is de Bellmannske daud?“ je treect dann en ganz giftig Gesicht, män je jegg nix, je hät en wahn Respekt dervüör, dat der wier en Stroaßmandat künt. Jä glaiw over, wenn je äs sölwst daud is un de Noabers will't iähr äs bekiefen, dann wäerd je noa wier lebendig un küert met.

### Dat Wunnerdier.

„Uh ha!“ pußtede de Amtmännste, äs je düör'n dicken Sandweg gonk, je was an Graute Rödevemanns west un hadde düstig Appeltate giärten un auf Schnäpskes drunken. „Son Schnäpsken is süörn Magen guerd,“ jegg je alltied, „män up een Been kann de Mensch nich stoahn, twee Schnäpskes verdriärgt sik nich un drei holt Glickgewicht nich, veer lütt auf noa so minn.“ So bleef de Amtmannske an't Drinken. „Drinkt män to,“ jagg Weerske Rödevemann, „de Pull is noa lang nich lierig.“

„Uh ha!“ jegg de Amtmännste wier, „wat gaiht jif dat over jwoer düör den Sand.“



„Will't Se met mi föehren, Frau Amtmann?“ frogg iähr Bäernd Liesmann, he quamm jüst met en llerigen Westwagen doahjär.

„Ja gäern,“ jegg de Amtmännste, „help mi man up.

Bäernd legt de Swierpe up Siet un büürde de Amtmännste up en Wagen. „Hü hott!“ raip he un de Piärde trocken wier an. Van dat sachte Rüddehn un de vierlen Schnäpskes slaip de Amtmännste in un lagg äs ne Uesse up en Wagen. Bäernd Liesmann daih iähr ne Piärde-diärff iürver leggen.

Doa quamm düör den Sietenweg de Landbreesdriärger Anton Schliërbeen, dat was en wahn nieschierigen Käerl.

„Bäernd,“ frogg he, „wat ligg doa up en Wagen?“

„Draßk nich jeggen,“ jegg Liesmann, „t is en Wunnerdier, Dr. Peters jall't in Spiritus setten.“

Schliërbeen was met en Saß in en Richtweg un laip noa't Städtken un stellde jik an Dr. Peters sin Hues up, he moß doch saihn, wat et gaf. Et duerde nich lang, doa stönnen ne ganze Pöjjohn graute Vüede un Blagen bineen, je alle wollen dat Wunnerdier saihn.

De Amtmännste wuehrnde bi'n Doctor in Huese, un äs nu Liesmann met sienen Wagen inhölt, doa was je noa in en daipsten Sloap. Alle Vüede daihn de Hälse recken, Jedder woll saihn, wu dat Dier wüör. Liesmann gaf de Amtmännste en kleinen Schupp un je daih jon lüek ut en Sloap fuermen.

„Appeltaten un Schnäpskes,“ jegg je, „nee, iä kann wüerkllich nich mähr!“ Ho, wat en Gelächder gaf't.

De Amtmännste möek en ganz verbiestert Gesicht un „Hurrah!“ raipen de Blagen, äs je endlicks van en Wagen was, un met iähr Höedken scheef up en Kopp in't Hues wackeln daih. Anton stönn ganz verwünnert im dat Wunnerdier up Doctors Trapp, häer he dat Posttüeg nich anhad, häer'm denken konnt, Lot's Frau wüör der wier.

Liesmann hät en wahn Vergnügen hat, dat he je all anjmiärt hadde, män de Amtmännste is nich eenmoal

wier up sienem Wagen goahn, se will nix mähr van em wierten, män se drinkt auch nich mähr so viel Schnäpstes, se hät nu insaihn, dat vierle Schnäpstesdrinken is nich nett füörn Fraumensst, 't is härter, de frigg en Kaffeekiedel an de Dahren, de stigg iähr nich in en Kopp.

### Frailein Stienken.

Bennatz Maikabel hadde jon klein Geschäftken un woll't wull gäern vergröttern, män de Kaszmännes saihden em un darüm was he all lang aut' jöken noa ne rieke Frau. De riefen Wichter sind der män nich so te hävven äs de Blöemkes up de Wieske.

Dicht bi Bennatz an wuehrende Frailein Stienken; se was wull fiestaihn Joahr öller äs Bennatz un düstlig graut un schrova, un iähr Gesicht jöeg met de vierlen Suermerbüergel en lüch gälstrig ut, un hümpeln daih se auf en biertken. Se hadde so viel, dat se liärven konn, un se daih alltied, äs wenn se noa wahn jung wüör; up en Goed häer se ümmer Rauzentnöspkes of Maiglöckkes un vüör't Gesicht daih se 'n witten Schleier, äs de Stadtwichter wull doecht, wenn se netter utsaihn will't.

Frailein Stienken woll nu gäern en Mann methävven, män 't woll iähr garnich glücken. Nu gonk se binoah alle Dage noa Bennatz un halde äs ne Stoppnoal, of Raigoarn of jüs so wat, un noahiär quamm se dann fakem uns tustede dat Wiärks wier üm. Se beduerde dann ümmer Bennatz, dat he so alleen wüör, up ne Magd wüör doch so wendig Berloat, of he denn garnich hieroaden woll.

„Nein,“ jegg Bennatz, „ich finde noch keine passende Parthie für mich, ich kann nur eine Frau gebrauchen, die was vor den Dumen zu schueben hat!“

Dat miärkede sik de olle Zuffer un nu vertellde se an Bennatz: „Ich habe auch mal einen Swattlockigen geliebt,



und als er gestorben is, hat er mich auch was hinterlassen. Das habe ich in ein Kästken verschlossen un wenn ich mal heirathen thu“ — dat segg je ganz verschärrnt un verdraihde de Augen — „dann soll mein Mann es haben.“ —

Ban nu an was Bennaz ganz verschuorten in de olle Juffer, he dachde, wenn he de naehm un kreeg düchtig Wäerdpapiere, dann könn he sien Hues en Stock höchter trecken, den Laden grötter maeken, Ladenwichter hollen un sölwst up Kundschafft raisen. Et duerde gar nich lange mähr, doa konn de Pastor van de Kanzel Bennaz Matabel un Stienken Quickstiärt aflärsen.

De Hochtied was flott, män foats den annern Dag segg Bennaz to Stienten: „Nu zeig mich auch, was du in's Kästken hast!“ De junge Frau met en ollen Kopp halbe dat Kästken, daih den Diärfel der van af un segg ganz bedröeft: „Das hat mich mein süßer Muusti hinterlassen.“

Bennaz möde en langen Hals, män he spront hauch in de Höchde, äs he in't Kästken män blos ne düfftige Pöjjohn swatte Hoare söeg van Stienten iähren ollen, swatten Pudel, de an de Fettsucht stuorwen was.

„Donnerkiel,“ segg Bennaz, „üm dat Tüeg häv'k nu de olle Sierge up en Hals!“ he trock siene Müffe daiper up de Dahren, up en Kopp hadde he je den ganzen Dag, un stüermde ut en Huese.

Sien Noaber segg mi noahiär, oavends wüör Bennaz sternhageldick noa Hues fuermen, in eensweg an't resse-neeren van de swatten Rünenhoare; an de Huesdüör wüör em Stienten all in de Möde laupen un häer roepen: „Aber, Bennaz, du hast doch auch mir gekriegt!“

Re Tied later hät Bennaz noa van sonen Dehm iärvt un doa konn he doch noa sien Winkelken vergröttern. Dat Geschäft gaiht auf ganz flott, män wenn he siene Frau ankiet, treckt he alltied en Gesicht, äs wenn he ut de Suerpull drunken häer un wenn he 'n swatten Pudel

jüht, dann is der kien Umgoahn mähr met. Stienken is ganz vergnügt, dat je noa 'n Mann metsnappt hät, un Raufen un Maiglöckskes hät je noa ümmer's up en Hoed un en witten Schleier vüört gälsterige Gesicht.

### De Kumedijanten vüör Niepoarte.

Alle Muornen, jon Uhr of tahn, kuermt de Meisters ut de Noaberschap bi Casper Kierklos tehaupe un drinkt sik doa en Halwen. Giärd Pöttken un Jans Muelken wüörn der all, doa quamm auk noa Bärnd Knüffen anlaupen. „Dag tehaupe,“ jegg Bärnd. „Jä, wat gieft Niees?“ roept de annern all. „Wat fall't gierven,“ lacht Bärnd, wat mi gistern passeert is, süs weet't nix.“

„Wat is denn bi di los west?“ jegg Giärd, „was doch kien Fier?“

„Nee,“ jagg Bärnd, „Fier nich, män Drüfe, doch mi eerst up den Schreck noa eenen Halwen, proft! nu lustert äs, id was äs en lück ut Niepoarte west, id woll äs jahn, wu de Kattuffeln stönnen; äs id doa wier umgoahn will un mi noa de Stadt to draihe, quamm mi jon Käerl in de Möete, de Hoare hongen em ganz dull um en Kopp un he hadd' en jämlick langen, grönen Rock an. „Tag, mein Herr,“ jegg id. „Schön Wetter heute,“ jegg he. „Ja, schön Wetter,“ jegg id, „id häv mi auk jüst äs de Kattuffeln bekierken, mi dücht, sitt guerd wat unner, män blos dat Grön gaiht wahn in de Höchde.“

„Thu' ich auch,“ jegg de Käerl, un doamet reckede he sienu Hals, dat em de Kopp wull en halwen Meter in de Höchde gonk. „Können Sie das auch?“ frogg he.

„Nee,“ jegg id, „so lang is mein Hals appatt nich!“

„Sehen Sie mal hier,“ jegg he wier, un doa trock he sik een Been ut un namm't in de Hand un met dat annere Been fonk he an't danffen.

Et was mi ganz eegen, äs id dat ankeef.



„Ich kann noch mehr,“ jegg de unheimliche Käerl, un nu namm he sienen Kopp af un daih en unnern Arm.

„Sehen Sie uns doch auch an,“ jagg doa ne annere Stimm un äs ick mi umkeef, stönnen daa noa twee Käerls met bunte Röcke, de richtigen Kumedijanten, een Been in de Hand un de Köppe unnern Arm. Et was mi ganz gruselik, dat ick dochde, wenn doch män en anner Menst quämm, dat ick nich so alleen hier bi dat Volk stönn. Doa quamm jüst van Kinnerhues hiär sone graute, sture Frau an, se bleef stoahn un keef us alle an.

„Madame,“ jegg ick, „wenn Se nich gäern alleen gaiht, ick sin auk up en Weg noa Münster.“

„Sie haben die Männer verzaubert,“ jegg se, un keef mi an äs ne dulle Katt, „auf der Stelle setzen Sie ihnen die Köpfe wieder auf!“

„Das kann ich nicht,“ jegg ick, „ick sin auk en üörndlicken Büürgersmann un häv met jot Volk noa nich eenmoal te doahn had.“

„Warten Sie,“ jegg dat Wief, „ich werde Sie“ — un doa schreide se hatt up: „die Soldaten, die Soldaten“ un doa daihn sik de Käerls den Kopp wier up'n Hals, jett'den sik de Been wier an un laipen, dat Wief tüsten sik, düör't Kuntelufeld noa de Wienburg to. De Suldoaten, et was wull ne halwe Kumpagnie Diertaihner, der ächterhiär. Jek laip wat ick män konn noa de Stadt, un eerst bi't Lazareth bleef ick stoahn, ick konn nich mähr, de Dahm was mi utgoahn.“

„Häv't se de Käerls denn nu auk kriergen?“ frog Jans Müelfen.

„Beet der nix af,“ jegg Bärnd, „ick häv mi ja gar nich mähr umfaih, hadde Angst nog, de Suldoaten konnen denken, ick würd auk een dervan.“

„Jek häv van Dage noa nich in't Blättken kierken,“ jegg Casper Kierklos, „doa staiht der doch wiff wat van in, töwt äs, ick kief noa!“

„Weeste nich, woa dat Volk denn fuermen is,“ frog Giärd Pöttken.

„Ja, dat wull,“ lachde Bärnd.

„In’t Blättken staiht auf noa nix,“ jegg Casper, „män woa was dat Volk denn hiär?“

„Dat will’t ju seggen,“ jegg Bärnd un drinkt sienem Halwen ut, „je quammen van te viel Kattuffeln.“

„Woa ligg dat, woa is dat?“ froggen de Annern.

„In mienen Buek,“ röep Bärnd, „ick hadde gistern Davend te viel Kattuffeln giärten un doa häv’t so un-wies van draint; adjüs auf, guerden Apptit to Middag,“ un lachend un prustend löp Bärnd weg.

„Du Schlamps, du Uhsenpiegel,“ raipen je em noa, „wachde män, wi kriegt di wier.“

### Wu Thedor de Gruet kreeg.

Viesebeth, wat de Dochter is van Mester Buttman, reet alle Augenblick dat Küertensfenster los un keek up Stroat. Doa quamm iähr Batter in de Küerte: „Jck weet doch nich, wat van Dage met di los is, alltied wenn’k kieke, büste oahne Kopp in Huese.“

„Jck kiek män noa de Krunekranen,“ jegg Viesebeth, „luster doch äs, wat de Diers angoacht, je slaigt ünnersüm iese Hues, Batter, ick glaiw, dat hät wat Guerds te bedüen.“ —

„O wat, dumm Tüeg,“ roep Mester Buttman, „bliev du män bi dien Naishwärks, loat de Büergel män slaigen,“ doamet gonk Batter auf all wier af.

Viesebeth moek sik wier wat in de Küerte te doehn, je wußt wull, over je woll’t nich seggen, van Dage woll Thedor Wittbeen bi iähren Batter ün iähr anhollen.

Thedor was son kleinen Beamten, män Mester Buttman hät et nich guerd up de Beamten stoahn, em is en Buer, de düftig wat in de Miärcke te broffen hät,



vull laiver. He segg alltied, bi de Beamten is't jaken wahn schwächtrig, un an Frau Rvöäthin sien würd em für siene Liesebeth nix geliärgen, de laipen all so genog herüm.

Theodor quamm sien utstasseert an, män Batter lait em garnich rächt utfüeren. „O wat, o wat,“ segg he to Theodor, „suorg eerst äs für den Stall un dann für de Sierge, mine Liesebeth, de gierf't nich an jon kleinen Beamten, Johannes, Schulte Dickpuckel, frigg se, dat is ne Parthie für miene Liesebeth.“

Theodor woll noa wat seggen, män Batter gaf em en Schupp un he was up Stroate, sien niee griese Hoedken rullde düör de Gauske.

Liesebeth hadde ächter de Düör lustert un gaf sik nu an't johlen, män Batter bleef an't resseereen, dat nich jedereen siene Dochter kreeg. Theodor wiskede den Stoff van de Büxe un reef sik de Rippen, he hadde de Füste van Meister Buttmann doch föhlt un dann gont he noa sienen Friënd, den dicken Wäerd Bennag Spund, de dicht bi an wuehrude. Spund lait sik Theodor siene Naud vertellen un doa segg he: „Wenn't anners nix is, dann wacht män, ick will di all helpen, dat de Olle anner Sinns wedd. Voat di män eerst nich sahn; kiek, doa künnt he all an, dat häv't wull dacht, alltied, wenn he sik iärgt het, drinnt he sik hier en Glästen Trost, he is over süs en ganz soliden Mann, de nich süpp.“ Meister Buttmann quamm in de Stuurwe.

„Spund,“ segg he, „doh mi äs en Flästen Beer!“

„Prost,“ segg Bennag un jett'de em dat Beer up en Disk, un äs dat Glas boll lieurig was, segg he: „Meister, probeert doch äs düffen ollen Kloaren, ick häv em effen friergen to't pröven, he fall ganz fermost sien!“

Batter Buttmann daih em den Gefallen un Spund daih em dat Glästen noa eenmoal vull.

„Wiert ji 't ant all,“ segg he to sienen Gast, „Jo-

hannes Schulte Dickpuckel hät sik nu auf verluorvt met Thresken Kleinmöller."

"So," knurt Batter Buttman un he is in sik ganz wahn, he hät doch alltied vertellt, dat siene Liesebeth up Dickpuckels Hof quaim. „Nu wat hät de olle Mutter Wittbeen doch Plasseer an iähren Thedor," küert Spund wieder, „de is nu fast anstellt met en guerd Gehoalt un ne nette, friee Wuernung, ja, wenn de hieroaden will, de hölt sik nierns nich en Küdrffen."

„O wat, o wat," jegg de Meister un is noa mähr wahn, he drinkt dorüm auf all wier sien Gläsken ut, un so bleef Bennaz an't Jngaiten un Batter Buttman an't Utdrinken. He konn over nich vierl verdriärgen, de Kopp was em schwor, he gonk ümmer en lüd sieger noa'n Dist un up eenmoal was Batter insloapen. Nu quamm Thedor wier in de Stuurve, he hadde all en frisk Bund Strauch in den Swienestall dohn.

Bennaz holp anpacken un de beiden Fründende schlüörden Meister Buttman bi de Swiene in en Stall. Swienkes sind ja auf wull ganz nette Dierkes, män blos wat öesig, män etwas mott doch auf jon Dierken to'n Plasseer hävven. De Swiene quammen äs naiger un beschnüffelnden iähren Besöf. Ganz lange bleef Buttman nich in en Sloap, de friske Wind, de düör de Klapp' nao'n Hof quamm, bracht em wier wat to sik. He konn män nich alleen in de Höchde fuermen.

Thedor daih nu, äs wenn he so van ächter to in't Hues woll. „Spund," raip he, „wat is der in dienen Swienestall los, hävt diene Swiene dat Küern lährt?"

„Nee," lacht Bennaz, „in mienen Swienestall is nix äs gewöhnliche Swien, män van guerde Rasse!"

„O wat, o wat, dumm Tüeg," röep Buttman, „ick sin auf hier, help mi met, de Diers rievdt iähre Snuten an mi af."

„Junge, Junge," jegg Thedor ganz vernöegt, „wat guerd, dat ick mi nich met Liesebeth verluorvt häv, wat möß ick



mi schiärmen, wenn de Lüede seggen, min Schwiegervatter läg an Spunds in en Swienestall!"

„Ja,“ segg Bennatz nu auk, „gat gaiht nu düör de ganze Stadt, düör't ganze Klärspel, dat Mester Buttman met miene Swiene en Klübken hät, meinee, wenn Här Pastor 't höert.“

Vatter Buttman gaf sik an't Biärdeln, dat de Beiden doch nix seggen söllen, män Thedor wull sik up nix inloaten un Buttman wuff van Jäger nich, wat he dohn soll. Endlicks segg he, dat he jä auk gäern siene Giesebeth an Thedor gierben woll, un doa wassen se denn auk boll ennig, un Arm in Arm gongen Buttman un sien Schwiegerfuorn noa Huese, denn en lüek wackelig up de Beene was de Olle doch noa.

„Giesebeth,“ raip he, äs se in't Hues quammen, „hier, nimm dienen Thedor, wi häv't us äs gründlick utküert; he is doch en düstlig guerden Jungen un id juorg der füör, dat ji auk dat Huesken nett vull Möbelen kriegt, un en Karnalljenvüergelken un alles kaup id ju.“

„Auk en Swienken füör ussen Stall?“ frog Thedor.

„O wat, o wat, still van't Swienken,“ segg Vatter. Annern Dags möet dat junge Paar Besöek bi de Famillje; Thedor met en nieen griesen Hoed.

Vatter keet iähr noa. „En nett Paar,“ segg he, „vull netter äs de olle Windrüe, de Jans Dickpudel met siene Threse; män wu id mi in den Swienestall verbiestern konn, dat will mi noa garnich in en Kopp un id häv doch män een Glas Beer drunken; guerd, dat mi süs nich wel saihn hät, denn wat de watten sind, de kömmt et Küeren doch nich loaten.“

### He revanscheert sik.

De Pottske was up den Eierhandel west un nu satt se in iähr Stüörvken un tellde iähr Geld. „Marjo,“

jagg se, „wat is't van Dage fold, män to't Fierenmaeken is't noa te fröh in de Tied“ un se pusted äs in de Hänn. „Zwee Mark, drei Mark, twintip Pennink, diertig, nee,“ jegg se, „'t is mi doch te fold, id hael mi van Meiers en Söeten, de wiärnt mi't Hiärt.“ De Pottske slött sif iähr Doef ün, frigg sif de gröne Pull ut't Schapp, hölt se 'n Lüek unner'n Böördock un gaisht af sif den Söeten te haelen. Unnerweggens kümt iähr Gerraz Wams in de Möete, dat is en wahn nieschierigen Käerl, he wußde wull, de Pottske brengt nich alleen en Kuorj vull Eier noa Hues, sondern auk en Kuorj vull Nies.

„Weet Se nig Nies?“ frog he de Pottske.

„Ja, 't is fold van Dage,“ jegg de Pottske un denkt vergnüdt an den Söeten.

„Nee, id mein of süs nig passeert is?“

„Dat id nich wußde,“ jegg de Pottske un se sont an't lachen, „ja doch,“ jegg se, „bi Docters is wat jung wuorn.“

„Wat, bi de ollen Lüede?“

„Jä, worüm denn nich, Docters Kathrin häv't mi sölvst jegg, dann is't doch wiß wahr, adjüs Gerraz.“

Gerraz laip wat he konn met siene scheeden Beene, de Nieigkeit möß he apatt te eerst vertellen.

Davends sitt't de Häerens van't Duorp alle bi en Pöttken Beer in't Wäerdshues un vertellt sif wat, un van Gerraz wußden se nu all de graute Nieigkeit, un se saggen, dariüm kümt van Davend de Docter auk so laat, he mott wiß sölvst waigen. Endlichs quamm he an.

„Här Docter, id grateleer, id grateleer,“ wassen se all an't roepen.

„Danke, danke,“ jegg de Docter un mäek en ganz vergnüdt Gesicht.

„Här Docter, wu sall't haiten,“ röep de Köster. „Jed denke Castor!“ is de Antwoard. „Ei wat,“ jegg de Köster, „jo schriif sif doch kien ähelic Christenmensk.“ „Jes auk nich naidig,“ jegg de Docter un lött sif noa een Glas



Beer gierven. „Un wu süht et denn ut, äs Här Docter of siene Frau?“ frog de dicke Wäerd. „Donnerwiar,“ schreit de Docter, „nu fin't de Naperie appatt leed!“ un he treckt en Gesicht äs en kollerjken Truthahn. Se wüssen alle bineen wull, wenn de Docter eerst anfänk te resse-neeren, dann is't met de Gemöedlickheit doahn un se slöegen en anner Thema an.

Annern Muornen, äs de Docterste fröh in de Kiärf wull, quammen alle ollen Möers bineen laupen: „Meineeken, Frau Docter, is't würklick woahr?“ „Marjo, Frau Docter, gaiht se nu all wier ut?“ „Un wi häv't jä nix der af wierten,“ un so gont't derhiär. De Docterste wass en guerd old Menf un se keef nu ganz verbiestert iim sit, se wuß garnich, wat iähr passerde, endlicks gont iähr ne Thranlucht up un se jagg, et wüör jä nix nich der van woahr, de Pottske hädd' wier iahren Anfinn maekt, se hät manfst so Fideen in 'en Kopp, un bi iähr, bi Docters hädd' jä men blos dat Piärd en Füllen kriergen.

De Docter sölvst was ganz wahn up de Pottske, män he lait sit bi iähr nix miärken, män he dachde, wachde män, dien Fett kriegste wier.

Son Wiärken of fies nohiär stönn de Pottske äs an iähre Huesdüör, doa quamm de Docter bi iähr hiär. „Dag, Här Docter,“ jegg se, „mi dücht, wi kriegt boll Fuorst!“

„Nett Fuorst,“ jegg de Docter, „dat künnt bi iähr annerweggens hiär,“ un he treckt en ganz bedenklick Gesicht, „jegg Se äs, Pottske, is Se wull in en Hues west, woa Krankheit is?“ De Pottske spierkt met iahren Hues-schlüerdel un nickoppt: „Jek was bi Thresken Schulten, de hät de Infulenzia.“

„Un de hät Se auf wahn dick in de Butten, dat söeg ick doch joats, legg Se sit män gau in't Bedde.“

„Meinee, nee, dat kunn't nich, ick mott naidig noa Mönster hen, doa is van Wiärke graute Hochtied un doa jaiht de Eier.“

„Wel nich hören will, mott föhlen,“ jegg de Docter,  
„Se süht jüs ganz laige ut de Augen ut.“

„Junge, Junge, wat gieß mi dat en Schreck, kann ick  
denn nix der tiärgen doahn?“

„Dat kann Se wull,“ jegg de Docter, „wenn Se sif  
en düstig stiefen Grog drinkt, ick häv all mannigeen met  
en Grog biärter van de Infulenzia afholpen äs met de  
Pulvers.“

„Dat Middel will'k gäern probeeren,“ jegg de Pottske  
un de Docter gaiht af un lacht bi sif, he weet, he hät  
sif nu genug revanscheert.

De Pottske was wahn bang vüör Infulenzia, je meind,  
je föhld all jon Ridderd dühr de Butten, un jon Snäps-  
ten drinkt je vierl te gäern. Wenn je frant is, mott je  
sif doch auk en Grog maeken. Se nimmt iähre gröne  
Pill wier unnern Büördoek, hält sif Rum, un mäek sif  
Grog un drinkt un drinkt un blij an't drinken, bis je up  
eenmoal met en Buus unnern Disk lag un doa stürende,  
äs wenn je in de Röeven gönt.

Gerratz Wams hadde füör de Pottske dat Suermooß-  
jatt wier maekt un woll iähr dat noa effen brengen; äs  
he de Dühr los möek, hörde he foats dat Stüernen un  
äs he in de Kammer fik, süht he dat arme Menß doa  
liggen. He gonk up Stroat un schreit so hatt he kann:  
„Hölpe, Hölpe, de Pottske is daudslagen!“ De Roaberske,  
en ganz refelbeert Menß, quamm foats anlaupen, män  
eenen Holsten hadde je an, je gonk gau bi de Pottske  
un woll iähr'n Kopp upbüören, män doa quamm all  
jo'ne ganze Pokjohd Grog wier.

„Meinee, meinee,“ schreit de Roaberske, „wat blött  
dat arme Menß, män gau noa Polsei un Docter.“

Bühr Pottske iähre Dühr hadden sif all viel Güede  
jammelt, de dicke Polsei dreef je all weg, he un de Amt-  
mann un de Docter gongen in de Kammer un de Polsei  
namm de Lucht in de Hand. Up Stroate waffen de  
Güede an't roepen: „Pottske is daudslagen, all iähr Geld



is stuohrlen, o dat arme Menſt, un ſe was alltied jo guerd to Jedweddereen.“

Doa quamm over de Amtmann un de dicke Polſei all ut en Hueje un ſe ſeggen, de Lüede ſöllen män all noa Hueje goahn, Pottske wüör nich daud, män blos grülic beſuorpen, annern Dag ſöll ſe wull düſtig en Kater hävven, de Noaberſke ſchlüörde ſe nu in't Bedde,

Infulenzia hät de Pottske auk nich kriergen, män blos düſtig iärgt hät ſe ſit, dat ſe ſit jo blameert hät un dat de Jungens oavends unner iähr Fenſter „Miau, miau“ roept. Den Docter is ſe noa ganz vernienig to.

### Prinſeſſin Lielebeth.

De Giärgend is jähr ſchön, män dat kleine Städtken is en ganz bedröeft Neſt. De Stroaten ſind ganz pudelig, dat Pflaſter is jo, dat em wull alltied en paar Reſervefüete bi ſit hävven mög, wenn man viel doa to laupen hät. Menſten jüht man nich viel up Stroat, over üörverall laupt Müens herüm un liggt de Katten in de Fenſters, de noa jo ganz noa de olle Mode ſind, dat ſe noa huorven ſchuorven wäerd. De Hües hävt noa meerſtendeels de ollen Riendüörn un foats tiergen an is ne Klapp, van wo de Siergen de Köpp up de Stroate ſtiärkt. Wu ick over all ſeggt häv, de Giärgend is ſchön un wahn gesunde Luſt is doa auk, de Daudengriärder hät dorüm up en Kiärkhof auk nich viel to dohn un dorüm goiht jo gäern de Lüede van annerweggen hierhen in de Suermerfriſke. Geliärgenheit hier iähr Geld uttegierven hävt ſe hier auk nich rächt, denn hier ſind der män blos jo kleine Winkelfes, män Poſtkarten met Anſicht, de ſind der te kriegen.

Nu was leſten Suermer auk jon klein Klübken van drei Damens fuermen, de Wittſke, de Swattſke un Fraiſlein Bümmlen, jo'ne olle Zuffer. De drei wollen ſit

äs düstig in de friske Luft ergoahn un wassen dorüm alltied up en Platt in de Umgiärgend. De annern Gäste wollen der so rächt nix met to dohn häbben, et scheen iähr, äs wenn de drei Damens rächte Wichtigdohers wassen un dat se auf rächt sölfältig wassen.

Genes Dages gongen se nu auf so 'nen schönen Weg düör'n Busk lang un doa quammen se an son klein Hüesken, wat ganz nett un propper utsäg. „Das Häuschen gefällt mir,“ segg de Swattske, „hier fänd man gewiß rechte Erholung für angegriffene Nerven!“ De annern stimmten iähr bi un se bekeeken dat Hüesken rundüm, un äs doa son halbwüßigen Jungen doahär quam, frogg de Wittske em: „Sag mal, Junge, wer wohnt denn da?“ De Junge hadde fiene Mütze up, dorüm packde he blos an de Hoare un segg: „Doa is nu de Prinzessin Liesebeth drin!“

„Prinzessin Liesebeth, wo stammt die her?“ frogg de Wittske.

„Jek glaim, ut en Hannoversten,“ segg de Jung un gaht flaitend met fiene Buske wieder.

„Das ist aber interessant,“ segg Frailein Bummelken, „daß eine Prinzessin zur Sommerfrische hier so einsam lebt. Wir müssen sie aber kennen lernen, wie werden uns dann die andern Sommergäste beneiden!“ „Wir wollen uns in dem Haus ein wenig ausruhen,“ segg de Wittske, „die Prinzessin freut sich gewiß auch, etwas gediegene Unterhaltung zu haben!“

Se trocken alle drei iähre Hansten mier an un möeken sik met Spiege iähre Hoare en lück glatt un gongen in't Hüesken.

In de Küerke was en jung Wicht an't Kattuffeln schellen. „Dürfen wir hier ein wenig ausruhen?“ frogg de Swattske. „Ja, gaht Se män in't Stüörcken in,“ segg dat Wicht un wiesede noa de Dür.

„Ob die Prinzessin wohl da ist?“ froggen sik de Damens. Ganz fierlick gongen se in't Stüörcken; et was



ganz propper, män vierl mähr äs en Dist, en paar Stöhl, en klein old Speigelen was der nich, ober dusende van Fleigen fatten üöverall herüm. An't Gassensterken, et was een met so ganz kleine Kueten, jatt so 'ne olle Moer met ne Kattummüske up, un was an't spinnen.

„Guten Tag, Frau!“ seggen de Damens.

„Höö?“ frog de Olle. „Wir wollten hier gern ein wenig ausruhen,“ segg Frailein Bümmlen. „Höö?“ frog de Olle wier. Nu miärfeden de Damens, dat se nich guerd hören konn un de eene schreide iähr hatt in't Dahr: „Sie sind ja sehr fleißig, liebe Frau!“ „Ich kann null hören,“ raip de Olle wier, „un so suel äs dat Stadtvolk sin't noa nich eenmoal west!“ „Werden Ihnen die vielen Fliegen nicht lästig?“ frog de Wittske. „Wenn se iähr schanneert, fangt se män weg!“ röep de Olle un blief an't spinnen. De Damens wullen gäern de Prinzessin kennen läeren, dorüm bleeven se auk noa sitten.

„Sie haben hier gewiß sehr schönes Wasser!“ segg de Swattske to de Olle.

„Ja,“ segg de Olle an't Spinnrad, „dat Water is hier so schön, äs't män sien kann, män dat böfige Stadtvolk kann der doch nich met rein wasched wäern.“ De Damens was't doch boll ungemöedlick bi de Olle un Frailein Bümmlen segg ganz aadig to iähr: „Wir wollten gern die Prinzessin Liesebeth kennen lernen, liebe Frau, können Sie uns wohl sagen, wo sie ist?“

„Se saht doch, dat ich hier sitt un spinn,“ raip de Frau un keef ganz vernienig un verbiestert ut, „män de Naperie met Prinzessin Liesebeth verbidd ich mi, wacht män, ji Wasspuppen, ich loat ussen Sultan ächter ju los un de fall ju wull wiesen, wo de Prinzessin is!“ De Olle wull upstoahn, män de Damens reeten ut. Büör de Dür stönn dat Wicht bi'n Pütt: „Ach Himmel,“ segg de Wittske, „wir wollten so gern Prinzessin Liesebeth kennen lernen, die hier zur Sommerfrische ist, die alte

Frau wurde ganz böse deshalb, die Prinzessin ist wohl incognito hier?"

„Ne“, segg dat Wicht, „in't Stüörvken is se, män usse Möhne is alltied ganz giftig, wenn een se Prinzeßin Piesebeth nennt. Dat dathn de Lüede wull äs fröher so, denn iähre Moder was äs vüör langen Joahren Kürnigin bi't Schützenfest west, doa was de Möhne noa so ganz klein. Se will dat gar nich hören un nu, wo se doch nich mähr so ganz richtig in en Kopp is, löet se foats den Rüen ächter de Lüede hiär, wenn id nich uppasse.“

Doa möeken sik de drei Stadtdamens ganz fliepstiärten weg un vertellten in't Städtken nix dervan, dat se de Prinzeßin häern besöeken wollen. Dat Wicht häv't over vertellb, nu wäerd se doch noa drüm utlacht, bi't Hüesten goaht se nich mähr hiär, se sind bang, Sultan kümt iähr in de Hacken.

### Libetken.

Libetken, wat de eene Magd bi Buer Hümpelhof is, is en lück döer, un se woll so wahn gäern en Mann hävven. Nu was se äs up en Soaterdag Middag up en Kamp an't Melken un doa sagg se so vüör sik hen: „Ach, wat jin't doch en arm Dier, all üörver vettig Joahr old un häv noa kienen Mann, noa nich äs en Frier häv't had.“

„Wollen Sie so gern einen Mann haben?“ segg doa jon kienen Hären, wel ächter de Hiärge spazeeren gonk.

„Häv't Se dat höert?“ frog Libetken.

„Ja“, segg he, „Ihre geistreichen Gedanken waren etwas laut.“

„Beet Se Road füör mi, Här?“ frog se wier.

„Ja wohl“, segg de Här, „lassen Sie es mal im Dorfe ausschellen, dann meldet sich ganz rasch ein Mann, hier, ich gebe Ihnen eine Mark dazu.“ „Danke, danke, mien Här“, segg se, „foats mournen noa de Hohmiß loat id't



utschellen," un se knüppt de Mark in iähr Büördoet fast in, dat 't iähr nich in Berlies gaiht. „Adjüs Fräulein!“ raip de Här in't Weggoahn. „Guerdgoahn!“ raip em Libetken noa.

Ganz vergnügt gont je met de Miärk noa Hues. De annern Wichter seggt: „Meinee, Libetken, wat is di Guerds passeert? du jüht jä fernost vergnügt ut!“

„Jek krieg boll en Mann,“ gaf se to Antwoard, „jon fienen Härn häv't mi't wickt!“

Annern Dag, äs de Hohmiff ut was, stönnen de Bueren all noa so üm de Kiärke, un vertellten sik wat.

Doa quam de Utroper un schellde düstig un dann raip he ganz hatt: Die Jungfrau Libetken Meesters bei Buer Hümpelhof wünscht baldigst einen Mann, aber einen reichen!“

Alle Lüede wassen an't lachen. Libetken stönn ächter ne graute Pump un lusterde äs. Doa miärkten dat twee so halbwüßige Jungens un met en Zuchhee halden je Libetken midden in't Publikum.

Se möek en ganz triumphierend Gesicht un äs je jik hadd' genug bekiefen loaten, frög je ganz vergnügt: „Wel will mi nu hävven?“ un daobi keek je so'nen jungen, rieken Buernjuohn an. „Jek nich!“ raip de un draihde jik weg. „Jek nich! ick auk nich, ick auk nich!“ so raipen je van allen Sieten. Doa was Libetken dull äs ne olle Katt'.

„Di desigen Mannslüede,“ schämmt je.

„De fiene Här hät di jä män öwt!“ raip jone kleine Däern.

„Nu saih ick't appatt wull in, dat ganze Mannslüedevolk döcht nich, nee, ick will so'nen ollen Schlammammel auk garnich hävven, nee, ick will fienen Mann. Affschailick, en jung Wicht so te aapen!“, so bleef Libetken an't reffeneeren. Ganz giftig gont je nu noa Här Pastor üm iähr Leed te klagen, män de hät jüst so lacht äs all de andern Lüede.

## De Hjoekenkieker.

De Burbaumste woll jüst in't Hues goahn, doa gont Fina Sufel bi iähr hiär, se was noa Famillje an Burbaums.

„Meinee, Mitthin,“ jegg se to de Burbaumste, „wat süßt du jä verkatt ut, wat is der passeert?“

„Verkatt nich, bedrövt sin'k,“ jegg de Burbaumste un daih en daipen Söcht, „met usse Anton is't nix mähr, he mott boll stiärven, äs he seggt.“

„Wat, stiärven!“ röep Fina, „wat is em denn, vergangene Wiärk was he noa met Settken Gschpost up de Kirmeß düstig an't lachen.“

„Män nu is usse Anton so luerig,“ klagde de Frau, „he ätt un drinkt nix nich, he hät ne Büörgegeschichte had, he will män blos nich dermet herut; ick sin all bi'n Här Pastor west, de jegg, ick söll em den Jungen äs schicken.“

„Dat doh,“ jegg Fina, „ick kuerm van Davend un luster äs, wat't gierven hät.“

Anton Burbaum was en stämmigen Käerl, auk all in de Lofung west, van Hiärvst söll he bi de Aktollerie kuermen, he was blos en lüch döer, dat is Familljen-saihler an Burbaums.

Davends satt de ganze Famillje in de grante Kierke, se wassen all in Upreegunk.

„Usse arme Anton, wat mag't doch sien?“ stüerende de Batter un de Olske wiskede auk wier äs düör de Augen.

„Still, doa is he wier!“ jegg Zänken, wat de öfste Süster is.

Anton quamm herin, den Kopp lait he hangen äs en ollen Jessel, wel de Dahren verluoren hät.

„Wat hät Här Pastor di seggt?“ froggen se alle.

„Jek wüör nich wies,“ jegg Anton, „män ick häv den Spöck saihn, un nu mott'k stiärven, Büörgegeschichten drept alltied in.“



„Vertell doch, wat is't denn,“ quiärlden em alle.

Anton soll hinoah up den Stoehl dahl un vertellde nu endlichs:

„Vesten Friedag Davend, jon Uhr of twiärks meinde id, id hörde Inbriärkers in't Hues, id namm mi'n Knüppel un gonk ut mine Kammer. Et was picdüster, nich en biertken Moandschien was der, äs id in usse fiene Sturwe was, woa män blos usse Besöck inkümt, söeg id mi up eenmoal sölwst vüör mi stoahn. Id kreeg en wahren Schreck, 't gonk mi 'n Ridder'n düör de Butten, dat was doch en Spöck of ne Büörgeschichte un dat bedütt, dat id boll stiärven mott, o nu sin't noa so junk,“ un doa gaf Anton sit an't hüelen äs en ollen Rüen. De ganze Gesellschaft hüelde met. „Un Friedag Davend was't doch so wahn düster,“ segg Kathrin.

„Ja, 't is en eegen Dink, so'ne Büörgeschichte,“ segg Fina, se was ut Rieschier all lang hier. „Du Anton,“ raip Bennäzken, he was de Jüngste an Burbaums un Östern in Schol fuermen, „du Anton, häerst du denn fiene Lucht bi di, äs du Friedag Davend up de Rattenjagd gonkst?“

„Ne Lucht?“ raip Anton, „Donner auk, Bennäzken, nu gaiht mi ne Thranlucht up, ne Lucht hadde id in de Hand, un doa — un doa — ja, doa sin't an't graute Spiegel hiär goahn, doa häv't doch garnich an dacht, dann was't ja auk gar sien Spöck un id häv de ganze Naud ümsüs had.“ Bennäzken woll sit wull daud lachen üm den Spöckenkieker, män de annern wassen froh, dat se Anton behollen dahn, un, seggen se, wenn he de Lucht nich had häer, wüör't doch ne Büörgeschichte west un Anton wüör in de Röeven goahn, un nu kann he doch noa bi de Attollerie ne hauge Stellung kriegen. Anton was nu van siene Fidee kureert, konn wier düstig iärten un bi de Attollerie fall em 't Spöckenkieken wull ganz vergoahn.

## Giärd un Greith.

In't ganze Städtken was Giärd Strauskopp bekannt, he bedreef so'nen kleinen Swienehandel. He was en ganz guerden Käerl, män he guort sik manfst eenen te vierl ächter de Binde, he segg auk bi jede Geliärgenheit: „Gaiht nix füörn guerd Hälvten!“

Genes Davends quamm he auk äs van en Handel, doa quamm em up en Markt de lange Snieder Jans in de Mödte, de hadde noa ne niee swatte Büre noa'n Lährer bracht, de moß annern Dags noafolgen, sin Vatter was sturven. Jans möel sik gäern en Späzken un segg nu to Giärd: „Wat Giärd, nu all noa Hues, kumm, goah met in't Schöepfen, ick doh en Bullenkopp ut.“ Giärd was all en lüch wackelig up de Been un he segg to Jans: „Mi dücht, et is doch all to laat!“

„D.“ segg de lange Snieder, „du büst wiff bange füör diene Frau!“

„Wat, ick bang,“ raip Giärd, „ick sin Här in Huese, ick kann dohn, wat ick will.“ He packde Jans an en Arm un se gongen tehaupe los. Äs de beiden in't Wäerdshues quammen, frijöhlden Jans siene Bekannten gewöltig. Jans bestellde en Bullenkopp un de Superie gont los.

„Nu will wi äs en Späzken maeken,“ segg Jans, „ji mött't mi alles noamaeken.“ He was over all heruet west un hadde Giärd siene Kipp düftig met Swatt ut en Norben besmiärt. De Mannslüede stellden sik nu all in en Krink üm Jans un de moek allerhand Grimassen un Kapriolen un Kumpelmente, telest dansde he un wiskede met de Kipp düftig düört Gesicht. Se daihen em alles noa un Giärd was swatt äs en Döwiel. De Käerls wollen wull plagen vüör Lachen, Giärd miärkede nix un endlicks segg Jans: „Wi willst nu appatt noa Hues goahn, jüs künnt us de Polsei ächter de Hacken.“



„Adjüs,“ „adjüs“ raipen alle un gassen jik an't laupen. Giärd stolperde alleen noa Hues, vüör em hiär göngen twee Damens, de Rentmesterste un de Afthekerste, je quammen ut iähr Klübken un hadden jik bi't Kartenspierslen wier met de Tied verdoahn. Als je den wackeligen Tritt hörden, keeken je jik üm. „Mein Alles, mein Alles,“ raip de Afthekerste, „das ist der leibhaftige Teufel!“ un de Damens nammen de Been in de Hand un laipen wat je konnen noa de Afthefe. De Rentmesterste lait jik noahiar van en Provijer noa Hues letten.

„Wacht män, ji Damens,“ raip Giärd, „ick will wull met ju goahn.“ Se wassen over all längst weg. Giärd wackelde noa Hues.

In't Stüörvken satt Greith, siene Frau, je was an't stoppen; je hadden jess Blagen, dat gaf Arbeit genoeg. Greith hadde de Nachtmüsk up en Kopp un de Brill un de Riärse, je jieg ut äs ne olle Uhle; je hadde over auf alltied düftig Hoare up de Tiärne, äs em wull so jegg.

Als Giärd in't Hues quamm, was he an't jingen: „Willkommen, o jeligier Abend!“

„Willkommen du Swienhund,“ jegg Greith un stellde jik rächt in Possentuer. „Meinee,“ jegg Giärd, „si doch män vergnöegt, ick häv van Dage guerd handelt, un bi Graute Bezmann noa'n Ködd'ken to kriergen, dat will'k di auf schenken.“ „O wat,“ schämt Greith, „äs ick di nuormen häv, doa häv'k all foats en düftig graut Swien kriergen; wo häst du Suesack di nu wier so besig maect?“

„Jä,“ jegg he, „ick jin doch alltied jon netten, prop-pereu Menjken west, män de Damens saggen, de Düwel wüör up Stroat.“

„Swieg mi still van de Damens un en Düwel,“ frieskede Greith, un gaf em gehörig eenen an en Kopp, Giärd soll binoah up de Disklant.

„Wacht män,“ raip he, „wenn'k wier bi Kräften jin, kriegste't wier.“ „Jek will mi van Davend nich mähr wasken,“ jegg Greith, „dat Water is nu doch so kold,

jūs gāf ick di noa eenen an't Gesicht, män nu maß in de Kammer!"

"Dat is jä en guerd Middell für de Santippe," jegg Giärd, „ick mott doch Jans äs froegen, wu dat togaht," doa kreeg he all wier en Schupp van Greith un stolperde in de Kammer, de Blagen drin gassen sik an't schreien.

Wu et wieder goahn is, weet ick nich, män Giärd un Greith keeken annern Dags beide ganz vernienig ut, se moßsen sik doch noa wull wat an de Köppe gierden hävven. Dat gaht jä auf nūms nich wat an, 't is Privatbergnüegen, män 't noatemaeken is't doch nich nett genoeg.

### Pütten-Kathrin.

"Wat häv't doch de Blagen te laupen?" frog Kleiamps Befvader, „he, Antönken, wat is der passeert?"

„Is wel in Schulden Pütt fallen!" raipen de Jungens un laipen all ächter'n anner hiär.

„Doa mott't appatt bi sien," jegg Befvader, namm sienen Stock un hümpelde noa Schulden Hof.

Up Schulden Hof was fiet ollen Tieden en ganz daipen Pütt un Schulden hävt nix dertiergen, wenn sik de Noabers mankst äs en Emmer Water freegen. De Emmer honk an so'ne Riee un moß dann met ne Katrolle noa unnen loaten wäern. Nu gonf't dull hiär bi'n Pütt.

De olle Schulte hadd' gra an't Fenster stoahn un woll kiekten, of't auf wull laig Wiär gāf, em had dücht, dat et all grummelt hät; de Kiärgen saihlde auf düstig, dat Land was so drüge, dat nix wassen konn.

As nu Schulte so noa't Wiär keek, söeg he jüst, dat Kathrin, Lehmanns Möhne, se was jon oll Dueräppelken, äs'm wull so jegg, Water halen woll un doa hafede de Emmer sik fast. Kathrin buckde sik noa unnen, se woll em noahelpen, doa stüertede se up en Kopp in den Pütt.



Et was nu noa guerd, dat der nich te vierl Water in was un Kathrin jon hatten Kopp hät, nu lagg je wennigstens oahne grauten Schaden te hävven, unnen, män je schreide mächtig.

De olle Schulte laip foats ut en Hueje un auf annere Lüede quammen up dat Geschrei an, je lait en Emmer noa unnen un raipen: „Kathrin, sett di drin, wi wind't di up!“ Schulden Hiärm draihde un doa quamm Kathrin in en Emmer in de Höchde. Met en Hurrah was je van de Lüede in Empfang nuormen, män je was doch natt äs ne Katt'.

„Nu män gau drut un in anner Tüeg,“ jegg Hiärm un büörde Kathrin ut en Emmer.

„Kathrin,“ jegg iähre Süster, „wat häv't en Angst üm di had, nu bedank die hennig un dann män noa Hues.“

Un Thresken packde Kathrin an en Arm, män de schreide un gröhlde: „Wat en Mallöhr, wat en Mallöhr, ick mott noa einmoal noa unnen,“ un ähr man sik verführt, jatt Kathrin all wier in en Emmer.

„Kathrin, hüfte denn nich wies mähr?“ jegg Thresken, „kumm noa Hues, ick doh di en Söeten, dann wäste wier annern Sinns, de Schreck was te graut.“

„Nee, nee,“ schreide Kathrin, „ick mott noa unnen, Hiärm help mi doch!“

„Wat is dat met iähr?“ jegg Hiärm, „sied froh, dat ji met heele Butten wier an't Dageslicht fuermen sied.“

„Nee,“ johlde Kathrin, „ick mott noa unnen, ick häv jä mieneen eenen Pantuffel liggen loaten.“ — —

So, wat en Bekriesk un Lachen gäft, män Hiärm keet ganz swatt ut un de olle Schulte jonk düftig an't reffeneeren üm sökken Unverstand. Hiärm un Thresken daihn Kathrin ut en Emmer un nu moß je foats met noa Hues, alle Blagen tröffen ächterhiär un Kathrin hät den Namen „Pütten-Kathrin“ alltied behollen.

De Geschichte is würklick woahr, män ick häv Kathrin nich kannt.

doa  
hiär  
„D  
„Je  
„Je  
un  
dat  
Kath  
fuor  
auf  
im  
doh  
mie  
n'  
  
räck  
will  
  
an'  
Me  
  
qua  
„Je  
Joh  
mi  
en  
bru  
Kö  
dur  
hier  
bru

## Melchert sien Middell.

Josep jatt up Schaffee un was an't Steene kloppen, doa quamm sien fröhärer Scholkameroad Melchert bi em hiär. „Dag, Josep, jä, wu is't der met,“ segg Melchert.

„D, all guerd,“ segg Josep, „män wu is't met di?“

„Jek sin nich so rächt up mien Schick,“ segg Melchert.

„Jek will di wull seggen, wat di saihlt,“ segg Josep wier

un süht Melchert van unnen bis buorven an, „du häst dat nette Hüesken met alles drin un en Goarn un en Kamp, di saihlt män blos de Frau.“ „Ja, ick häv auf fuors alltied so wat dacht,“ segg Melchert, „män ick häv auf wier gar kien rächt Järs dran, alltied jon Fraumenisf üm mi te hävden, män blos dorüm möß't wull hieroaden dohn, wenn ick ne Frau häv, dann häv'k auf biärter miene Keinlichkeit. Jek mott nu alles sölwst dohn, dat n'k mankst stump leed.“

„Dann nimm di doch auf ne Frau,“ segg Josep.

„Ja, nee, ja,“ segg Melchert, „ick weet et sölwst nich rächt, fall'k of fall'k nich, män üm de Keinlichkeit alleen will'k mi appatt nu doch entschlueten un hieroaden.“

„Na, denn Glück dermet,“ lacht Josep un gief sik wier an't Steene kloppen. „Abjüs, Josep, Guerdgoahn.“ „Abjüs, Melchert, guerden Apptied to'n Middag.“

Et was nu wull en Joahr laater noa de Tied, doa quammen sik de Beiden äs wier up Schaffee in de Mäete.

„Ja, Melchert, häste ne guerde Frau kriergen?“ fröeg Josep foats. „Ne Frau?“ fröeg Melchert, „ne, ick konn mi appatt nich to'n Fraumenisf entschlueten. Jek häv over en guerd Middell funnen, dat ick auf garnich te hieroaden bruek üm de Keinlichkeit. Jek kaup mi nu alltied en paar Röddkes, de maeke ick fett, un wenn mi denn äs so dumme Gedanken in en Kopp fuermt, dat ick doch appatt hieroaden möß üm miene Keinlichkeit te hävden, dann bruek ick män blos offen in en Swienstall te goahn, un



wenn'k dann saih, wat de Diers besig utsiht, dann fuerm'k mi foats vüör äs en sien leet Suckerpüppfen, un bruek ick nich te hieroaden üm de Reinlichkeit. De dummen Fideen slaigt mi dann foats ut en Kopp un ick sin ganz glücklich, dat ick mir nich met son Fraumensf te quiärten häv, weeste, Paulus jegg doch auf: Hieroaden is guerd, män nich hieroaden is härter.“

„Ja, wisse,“ jegg Josef, „män füör di wüör't doch all guerd west,“ un he teet Melchert äs wier an, denn de quamm em doch en lück kniefterig vüör. „Adjäs, Melchert, Kumpelment an diene Köddkes.“ „Danke, danke,“ röep Melchert un he frait sik noa bi sik sölvst, dat he son nett Middel funnen hät, de dummen Hieroads-gedanken to verbrievn.

### Jans in't Thioater.

Jans is bi siene Dellern in Guese un helpt iähr düstlig arbeiten, män he will auf mankst wat füör sien Plasseer hävven un dann kann he sien Geld guerd quitt wäern. Nu föllt em äs eenes Dages in, he wüör noa nich eenmoal in't Thioater west. „Dat is auf nich naidig,“ jegg sien Vatter, „wahr du dien Geld, wenn du den ganzen Dag arbeitet häst, dann is oavends dat guerde Bedde dat beste Thioater füör di!“ Dat was Jans over garnich noa de Müske. Sunndag Davend fall nu in de Stadt „Schillers Räuber“ gierden wäern un Jans lött nich noa, doa mott he hen. „Wenn du dann affslut wußt, dann mael di proat,“ jegg sien Vatter, „män wenn't di nich geföllt, ick gierd di't Geld nich wier.“

Sunndag tiergen Davend gonk Jans in sienen besten Rock los, drunk hier un doa noa wull en Glästen Beer un quamm auf endlicks bi't Thioater an. Et was nu over auf all en lück laat worden un män een Här stönn noa an de Kasse un füördert sik en Billet noa't Parkett.

Jans, wel in en Stall biarter Bescheid wuff äs in't Thioater, segg to den Mann an de Kass': „Ick will auk jon Billet äs de Här, wel effen vüör mi was.“ „Parfett-Billet?“ fröeg de Mann. Jans quamm em nich doa-noa vüör. „Jawoll,“ segg Jans, „ick will in't Packet.“ „Kostet zwei Mark,“ segg de Mann wier. „Zwei Mark?“ röep Jans, „wollen Sie nicht etwas aslaaten?“ „Giebts hier nicht!“ was de Antwoard un Jans legg met en Söcht de twee Mark doahen.

De Här vüör em was nich mähr te saihu, män Jans meind, he is lief utgoahn un so fall he auk dat Parfett wull finden. He gaiht los un doa staiht he boll in de Garderobe, män dat kennt he nich.

„Nu kiek äs en Menst antoe,“ lacht he un riwt sit de Hände. „Düt is wiß de Hauptplaz to't Spierken, doa häv't se so vierl Tüeg henhangen, dat müert't wiß de Raibers noahjär stiähren, wacht män, ick verstopp mi en lück un saih alles.“ He krüpp ganz vergnügt in en Ecksten un wachdet nu, dat et losgoahn söll. As he doa over so still sitt, doa maekt em de Pöttkes Beer, de he drunken hät, ganz slaiprig, un 't duerde nich lang, Jans was insloopen. As de Bүүрstellung ut was un de Härrens iähr Tüeg haelden, moek Jans de Augen wier los un keef ganz verbiefert um sit. He söeg nu, wu een noa'n anner weg-gönt un äs he sitten bleev, quamm de Uppasser to em un frog, of he de ganze Nacht hier blieven woll. „Nee,“ segg Jans, „män wenn dat de ganze Bүүрstellung is van de Raibers, dat se 't Tüeg stiähret un dann der met af-treckt un nich een segg wat, dann is't auk vierl te düer, dat ick hier fүүr twee Mark in't Packet sitten goah.“

De Uppasser klärde em up, dat he ja nix nich saihu un män blos de Tied in de Garderobe versloopen häer.

„Doa slött doch en lahm Piärd en blinden Fersel,“ röep he un gaiht ganz sliempfärten noa Hues. As siene Dsellern em froggen, wu't em in't Thioater gefallen häer,



jagg he, ganz guerd, män vertellen konn he nix nich der-  
van, jon Stück möß em en paarmoal saihn.

Kuors noahiar was nu auk in't Duorp Kirmeß.  
Doa gas't vierl te kaupen un te saihn un Jans moss auk  
wier der bi sien. Gerst stonn he lange Tied bi'n billigen  
Jakob un dann stonn he bi jon Vinnentelt. De Käerl  
dervüör was an't utroepen, bi em wüörn twee Wunner-  
diere to saihn. Doa moss Jans nu auk appatt in. Dat  
eene Wunnerdier was ne graute, dicke Nape met en raud  
Kleed an un ne raude Müske up en Kopp. Wenn de  
Käerl de Nape wat frog, nikkoppede of schüddelkoppede de  
Nape un de Antwoard was alltied rächt. Das annere  
Dier was ne griese Sierge met en langen Rohstiärt, un  
de Sierge interessierde Jans noa mähr äs de floke Nape.  
't wassen noa mähr Lüede in't Telt goahn un stönnen  
noa met den Käerl bi de Nape, doa gonk Jans noa de  
Sierge un he konn't nich loaten, he moss iähr auk äs an  
en Stiärt trecken, un he bleew en lück an't trecken un up  
eenmoal hadde he den Wunnerstiärt in de Hand! De  
flok Nape hadde't over miärket un schreide nu hatt los:  
„Batter, Batter, kief äs, de Käerl treckt usse Sierge den  
Stiärt af un id häv em doch eerst van Muornen wier  
fastnaihst.“ Kreeg doa over Jans en Schreck, äs de Nape,  
et was den Utsteller siene Frau, de män blos sit äs Nape  
saihn lött, up em losquamm. Met en Satz was Jans  
in't Vinnen sprungun, et gaf foats en Lock un Jans laip  
wat he konn, dat he wegquamm.

De Utsteller un siene Frau, de vüör Raud üm iähre  
Sierge vergiärten hadde, dat se ne Nape spierlen moss,  
schandubelden ächter Jans hiär, un de Sierge oahne  
Wunnerstiärt söeg ganz bedrövt ut. Jans quamm in  
Galopp in Huese an, de Sweet laip em van en Kopp.  
„Meineeken, Junge, wat is der passeert?“ raip em siene  
Moder in de Mäete. Jans was de Dahmpiepe boll ut-  
goahn, endlichs konn he sien Mollöhr vertellen. Sien  
Batter woll sit boll daud lachen un segg to em: „Du

büßt  
niä  
stia  
liqu  
sch  
fann  
wier  
blie

Se  
herü  
bers  
Du  
all  
tro  
Poc  
in  
Dü  
met  
Poc  
„W  
Ord  
Mer  
vier  
un  
all  
Frä  
jöt  
nich  
an't  
anle  
de C

büßt nu wull de Buß met en Wunnerstiärt!“ Doa miärkede Jans eerst, dat he vüör Schreck den ollen Kohstiärt noa ümmer in de Hand hölt, äs wenn't ne Reliquie wüör, män wat konn he den Stiärt gau weg-schmieten. Wenn Jans nu äs wier nich in Gueje blieden kann, dann bruekt sien Vatter blos te jeggen: „Is der wier ne Sierge met en Wunnerstiärt to jaihn?“ dann blieb he ganz stillkens inne.

### Zuffer Fränzken.

Zuffer Fränzken was een Klöppfen van de beste Sorte. Se daih nix laider äs en ganzen Dag bi't Poatersklooster herümschrieken of van de Pöäterkes küeren. Jähre Noaherske was en vernünftig vesselet Menst, de was de Quaterie van de Pöäterkes stump te dull af un je kreeg all en Schreck, wenn Zuffer Fränzken jon jöet Müelken trock, denn je wußde dann joats, nu kümt wier wat van de Poaters. Äs Fränzken nu äs eenes Muorns ganz fröh in de Miss goahn will, doa mäet de Noaherske gau iähre Döör los un röp: „Zuffer Fränzken, häd Se 't all höerd met de Poaters, of je all wull een sunnen hävt?“ „De Poaters,“ frög Fränzken, „wat is met de Pöäterkes?“ „Wiert Se 't denn nich, de Poaters hävt van Rom de Order kriegen, je söllt sit nu füör't Klooster en fromm Menst äs Gueshöllerst hollen, wenn't kuorfen auf nich viel gäf, wenn je män fründlick met de Härns küeren un je mankst bi't Vüörbiärden aflösen könn. Doa sall sit all wull boll en fromm Fraumenst füör melden.“ Zuffer Fränzken gaf gar sien Bescheid, je trock joats dat Müelken jöet un laip wat je konn noa't Klooster, dat iähr män nich een anners vüörquaim. Se gaf sit an de Poarte an't lüden, äs wenn't Brand wüör. De Broer quam anlaupen, män he sagg iähr, so fröh an en Dag wüör de Guardian appatt füör'n Fraumenst noa nich te küeren,



Fränzken bleef over dicht vüör't Klauster stoahn un alle Beerdelstunn's schellde je äs wier an. De Guardian was de Schellerie endlicks leed un lött iähr vüör, män he möef en ganz verdraitlick Gesicht, äs he de olle Kloop doa stoahn süht, je häd em all so faken uphollen. „Was wollen Sie denn nun schon wieder?“ frög he. „Ach, Här Guardian, ick häv't jä eerst van Muorn høerd, ick bidde ganz innigst, niermt Se mi doch!“ „Was wollen Sie,“ jegg de Guardian, „sprechen Sie sich deutlich aus!“ „Ich will gäern van mien Geld wat tojetten,“ jegg Fränzken, „ick will guerd bi't Bührbiärden helpen un ick will guerd fuorgen, wenn äs en Pöäterken krank is un ick will“ — „Ich versteh Sie noch immer nicht!“ jegg de Poater un draiht sik all en lück noa de Dühr.

„Ach, Här Poater, nu töwt Se doch män noa äs en lück,“ röp Fränzken, „ick will jä jüst so fründlick met de Pöäterkes doahn äs't in Rom angierven is,“ un doamet jonk se auf all an, den Guardian de Hand te strieken. Doa is over de Poater dull äs ne Katt', ritt de Dühr los un raip: „Unverschämte Person, hinaus, hinaus, lassen Sie sich nicht wieder bei uns sehen!“

Zuffer Fränzken stonn äs en Soltwief stiev füör Schreck un so lait iähr de Poater stoahn un gonk af. Ganz sliempfärten gonk usse Klöppfen noa Hues.

„Kief äs an, Zuffer Fränzken,“ röep de Noaberste, „wo is Se denn so lang herumworsten bi dat öesige Wiär?“

Fränzken jegg nix nich, je daih, äs häer je sik de Dahren to pierkt, män äs je in iähr Stüörvken was, doa gaf je sik an't grienen, dat je so anlaupen is un je wüör doch so gäern Hueshölleerst bi de Pöäterkes west. De Noaberste frait sik over, bi iähr is de Quaterie van de Pöäterkes nu appatt ut.

## De Brummbaß.

Satten äs eenes Davends August, Theddo un Naz in't Wäerds-hues „Zum interessanten Schäßchen“ un draihden sik iähren Scat. Äs se nu boll noa Hues goahn willt, jegg August: „Et gaiht doch nix nich üörver de Musik; oavends, ähr ick noa Bedde goah, spierl'k mi all-tied eerst noa'n Stücksten up miene Biggeliën un dann kann'k auk alltied noa wull biärter floapen,“ un he daih all met de Fingers, äs wenn he de Biggeliën in de Hand häer. „Mi gaiht't jüst so,“ jegg Theddo, „wenn ick miene Monika nich häer, wüör't längst nich jon ver-gnüegten Käerl äs nu; ick glainw, de Musik hölt auk mannigeen van en Biefterpatt af. Schade,“ jegg he to Naz, „dat du nich musikalisk büßt!“

„Jek un nich musikalisk!“ lacht Naz, „meinee, ick häv doch en Brummbaß.“

„Is nich woahr, Käerl!“ roept de Amern.

„Wull woahr,“ jegg Naz un strief sik diör sienen Boart, „wat gelt de Bett?“

„Jek jett en Stuten tiergen!“ röp Theddo.

„Um en Stuten wett'k nich,“ jegg Naz, „män en paar Butelljen Wien, dann gelt't.“

„Is guerd, floa in,“ roept August un Theddo, „für Jedweddereen en paar Butelljen Wien.“

„Jau,“ jegg Naz, „loaket us män Sunndag in en Schützenhof bineen fuermen, ji brengt de Biggeliën un de Monika met un ick mienen Brummbaß. Käerls, ji söllt ju wünnern!“

Sunndag Noamdag satten nu August un Theddo all en Pöäsken in en Schützenhof, se hadden sik all ne halwe Pözjohn Kaffee un en Glas Beer drunken, de Monika un de Biggeliën hadden se bi sik, män Naz was der noa nich. Et schuort de Beiden all in't Lachen, wenn se dran dachden, wenn Naz den Bühl trecken möß un berappen



den Wien, denn dat he den Brummbaß nich spierlen konn, wußden se doch. Doa quamm over Naz ganz fierlic an, män nich alleen, he hadde siene Frau bi sik. Dat is en lang, ichroa Mensch un wahn gnejerig, man süht et iähr all an't Gesicht an, se bitt en Pennink laiwer tweemoal düör, äs dat se em up eenmoal utgief. August un Theddo roept Naz all in de Mäete: „Na, wu is't der met, häfte dienen Brummbaß bi di?“

Naz lachde un jagg nix nich. Siene Frau möet graute Augen. „De Bett is verluoren,“ röp Theddo un August, „nu trect män en Bühl un loat den Wien fuermen, wi sind der all wahn düörsterig up.“ Doa stellde sik over Naz siene Frau in Possentuer, un nu gaiht en Donnerwiar los.

„Wat, de lichtjeddige Käerl häd üm Wien wettet? Ji will't mien Geld versuepen? Alles, wat he häd, is van mi fuermen. Dorüm häv't mi kienen Mann inuermen, dat ji mien Geld versuept! Maß, noa Hues, Naz, met sökke Käerls bruefste mi nich ümtegoahn!“ So dulle-reerde de Frau ganz vernienig wieder. Naz woll sik wull daud lachen un raip: „De Bett häv't wunnen; mienen Brummbaß häv't jä metbracht, kieft män genau to, he stahst hier jä brummend genug bi mi,“ un doa wiest Naz up siene Frau un de was nu jüst so äs ne dulle Katt', de'm in en Stiärt knierpen hät.

August un Theddo slöegen sik an en Kopp un raipen: „Ja, en Brummbaß häfte, män us is de Biggelen un de Monika vull laiwer, äs dien Instrument!“ De Frau bleev an't reffeneeren, namm Naz an en Arm un he moff met, drincken drof he auf kien Dröpfen nich. De beiden Aumeren nammen de Biggelen un de Monika un spierlden ganz söet ächter'n Brummbaß hiär: „Du bist wie eine Blume,“ un so äs't wieder gaiht.

Rie  
häd  
je l  
mee  
an't  
wier  
Pa  
nün  
frän  
nich  
mot  
auf

sik  
büß  
un  
qui  
noa  
Jer  
de  
töw  
Fre  
vüö  
so  
mä  
fett

doe  
hæ  
Da  
Pr  
dre

## De Napen in Spiritus.

Fennand un Setta, wat siene Frau is, sind de rächten Kierklödes un wat der auf bihöert, wahn nieschierig. Setta häd over auf iähren Mann düstig unner'n Pantuffel un se lait em fröheer nich fakten alleen utgoahn, se moff der meerstieds bi sien. Wenn de Beiden äs annerweggens an't kieren fuermt, denn se doht doch alltied alles te eerst wierten, dann is't jüst, äs wenn iähr de Wöärde an'n Pactsfahm ut en Hals laupt un äs wenn de Pactsfahm nims nich en Ende häd. Setta gahnt manft in't Kaffee-fränken, dann mott Fennand inhöen un dat em de Lied nich lang wäern kann, doavüör fuorgt Setta guerd, he mott iähr dann't Strumpgoarn wickeln, Bauhnen snippeln, auf wull äs Drügeldöel strieken of wat't jüs so gieß.

Genes Dags, äs de Beiden wier up en Patt wassen sik wat bineen te lustern, quamm iähr Professor Windbühl entiergen. He is en ollen Bekannten van Fennand un häd alltied Snakerie in en Kopp. He bleew nu ant quiärken bi de Beiden, Fennand föll doch den Davend noa em fuermen, he woll ne Nape in Spiritus setten. Fennand häer gäern toseggt, män siene Frau wahrde em de Augen un he wußde nu nich, wat he seggen föll. „Nu töw doch nich so lange met jau,“ segg de Professor, „de Frau kann't nich guerd inladen, de verschreckt sik wiß vüör so'ne Nape.“ Setta moff't over jahn un se kuerde so lang, bis de Professor segg, dann föll se metkuermen, män dann woll he auf soats twee Napen in Spiritus setten, en Männken un en Wießken.

Dat was Fennand un Setta jüst rächt; wat was't doch noahjär en Plasser, wenn se vertellen konnen, se häern holpen, ne Nape in Spiritus setten. As't nu Davend was, satten Fennand un Setta kistenfien bi'n Professor in't Kanapee. De Professor hadde auf noa drei Studenten bi sik, de wüörn sine Assistenten bi't graute



Wiärk, jegg he, män eerst föllen je äs all tehaupe düstig tolangen. De ganze Dist stonn vull Pullen met Wien, Beer un Likör. De Professor un de Studenten drunken Jemmand un Setta düstig to un de wollen doch wiesen, dat je kiene Blagen wüörn un so bleeven je an't utdrinken. Setta frog wull manfst: „Wanneer fangt wi met de Napen an?“ un dann jagg de Professor: „Et fall holl losgoahn, ick häv nu all guerd vüdarbeitet.“ De Studenten prosteten Jemmand un Setta noa'n paarmoal an un doa fatten de Beiden noa ne Tied stied äs de Uhlen in't Kanapee. So vierl düörneen hadden je beide iähr liärvelang noa nich drunken.

„Na, dat Wiärks is doahn,“ jegg Professor Windbühl, „män wat fangt wi nu met de Beiden an? Jek denk over doch, je is naigstens kureert, dat je iähren Mann alltied an't Bänden hävven mott!“ „Jek weet Noath,“ jegg de eene Student, „wachdet män en lück!“ De laighafte Junge hadde in en Hof ne liegigte Lunn liggen sahn, de slürde he nu an de Huesdüör. De Annern moffen en helpen un doa stoppden je Jemmand un Setta in de Lunn un rullden iähr doamet so stillkens äs't män gonk, denn je wassen sölwst en lück wackelig up de Been, vüör Jemmand sien Hues. An de Lunn schreven je noa met en Dästken Kriede: „Zwee Napen in Spiritus!“ Äs't nu Muorn was, wuerden de Beiden in de Lunn doch wach van iähren Suepfloap, män je wassen auf ganz sekrank, konnen sik garnich terechte finnen un auf nich alleen ut de Lunn kruepen. Son paar Noabers stierkten all de Köpp düör't Fenster; de Denstwichter, de Wiärktfrauen; un wat süs all so früh up de Been is, laipen bineen, un alle moffen helpen, dat Ehepaar ut de Lunn trekken. Hävt sik Jemmand un Setta over schanneert un iärgt un eerst rächt, äs em nu noa dat van de Napen in Spiritus an de Lunn föeg. Se sind mähere Dage gar nich ut en Huese goahn, män de Docter moss der

hen;  
waß

Nied  
fönn  
fuert

D

hen; of je nu van 't Drinken of van den Järger krank  
waffen, dat hävt je nich seggt.

Jennand draß over nu mankst alleen utgoahn, wat  
Nieses höert he un Setta noa alltied gäern, un führen  
könnst je auf noa düstig, män wenn Napen in Spirtus  
fuernst, dat intresseert je garnich mähr.





Faint, illegible text at the top of the page, possibly bleed-through from the reverse side.

Faint, illegible text at the bottom of the page, possibly bleed-through from the reverse side.



\* AC 45851 \*





